

碑誌類四五六

百大家批評
新體註釋

續古文辭類纂

君宜著

國立臺灣大學圖書館



2 2 7 6 5 1 9



續古文辭類纂卷二十 碑誌類四

長沙王先謙纂集

梅伯言原任予告大學士戴公墓碑 ○ 予告年老致仕也

點出榮字為全篇提綱挈領

嘉慶二十五年大庾戴公以吏部尚書直軍機拜文淵閣大學士國家設軍機大臣凡宰相非兼是官兼是官而位尚書以下皆不為真相惟公與兄子文端公相繼皆以是入相天下以為榮公諱均元字可亭先世自休寧遷甘泉再遷大庾考諱珊為大庾貢生娶溫氏生第元策元銓元娶側室江氏生淑元及公自考以上曾祖諱洪度祖諱時懋皆贈光祿大夫自江太夫人以上曾祖妣湯氏祖妣傅氏周氏皆贈一品夫人公以乾隆四十年成進士歷編修御史九卿以刑部侍郎出視河南衡工官吏畏其清斂手歲事工以速成仁宗以為賢遷戶部吏部侍郎嘉慶十年黃河奪運河入江西風敗高家堰數百丈命馳往赴工即授南河河道總督凡三年改定木石工價及開塞修廢所宜次第畢舉賞太子少保花翎以事左轉副都御史改倉場侍郎再出為東河河道總督復入為吏部侍郎左都御史禮部尚書賜紫禁城騎馬是時公年六十九矣遂以吏部尚書協辦大學士入直軍機處兼上書房總


批評 續古文辭類纂 卷二十 碑誌類四

李兆蕪評歷歷
順敘寫公之加
官晉爵以顯其
榮而卒能知止
知足引咎乞休
是為公之特色

師傳拜文淵閣大學士。太子太保。今上即位。以錄遺詔語有誤。出軍機。旋命相度萬年吉地。工道光四年。公陳情乞休。得俞旨。製詩寵行。在籍食全俸。先是仁宗賜公七十壽衣服珍器。宴會二日。至今上復賜八十壽衣服珍器。聯扁。就加太子太師。戊子。重赴鹿鳴。上親賜書三朝耆舊。蓋朝廷恩禮於公。先後優異如此。適寶華峪地水滲。嚴旨逮入都。上以公引咎陳詞。得大臣體除名放還。後子詩亨。孫嘉德。皆賞還官及舉人。道光二十年九月七日。薨於南昌里第。年九十五。公情斂志約。聰明外周。其形神清和舒平。動若有餘。吐詞流音。朗潤暢達。識者皆知為承平公輔氣象。始以侍從發身。嘗任湖北及江南正副考官。四川安徽山東學政。與伯兄太僕公。兄子文端公。若士編修。使車往還。結轍於道。又視學順天。主辛巳順天鄉試。典壬戌丁丑己卯會試。總裁及閱卷教習。門生幾數千人。而仁宗知公深。不與他文臣比。四方有大疑獄災患。及萬年吉地工程。戶部三庫事務。非親臣不輕領。是事皆一以委公。蓋仁宗在位久。以天地覆燾之德。挈持綱維。含宏羣生。而公以耆年長德。不急功近名。合道於仁厚清靜。相孚之德。固如是也。配崔夫人。先公卒。子詩亨。誠亨。晉亨。亨亨。女適陳。適黃。適溫。四女未嫁卒。孫幾人。四世孫幾人。詩亨以

插此數語。文意便覺別饒風趣。

是年十二月某日。葬公於某鄉某原。崔夫人合祔。告曾亮曰。必以銘。曾亮故公辛巳科門下士也。道光二年正月。嘗召至第曰。吾定拜疏乞休。試草其文。時^{二十}逡巡辭謝。後語座主顧侍郎曰。梅生得縣令無奈何。且無令遽出京也。今二十年。執筆為公銘。追思昔言。可痛也。夫其詞曰。庚山建標。四戴鍾祥。兩為真相。公兼壽昌。三十登朝。八十致仕。庸功事樞。歷試有煒。謂公崇高。約志愈卑。收迹於先。割榮不虧。幾人百歲。身此元老。十年川觀。宴處敷表。我銘公墓。不華其詞。非我有文。公實我知。詩此碩德。以奠龜螭。



一 大庾

縣名。舊屬安西南安府。

二 真相

謂實任宰相也。然決不為真相。

三 休寧

縣名。舊屬安徽徽州府。

四 甘泉

清分江都縣。今併入江都縣。

五 光祿大夫

清一品文階。

六 九卿

明清以六部尚書。都察院。都御史。大理寺卿。為九卿。

七 衡工

清仁宗嘉慶八年十月。東河衡家樓河溢。明年

八 南河

清制。凡徐州海道所管之黃河。邳宿

九 倉場

收納

十 東河

清制。凡山東之運河。通惠河。

十一 協辦大學士

清設。殿閣大學士四人。協辦大學士二人。秩皆正一品。

十二 上書房

清皇子讀

十三 俞旨

俞。應詞也。帝曰俞。

十四 滲漏

水也。

十五 寶華峪

清帝陵

十六 重赴鹿鳴

清制。鄉試中式。後甲子一週。再遇

十七 會試

明清時。集各省舉人。

十八 戶部三庫

清時

十九 發身

顯名以起家也。

二十 功

試於京師。曰會試。

二十一 會試

試於京師。曰會試。

二十二 會試

試於京師。曰會試。

二十三 會試

試於京師。曰會試。

二十四 功

試於京師。曰會試。

二十五 功

試於京師。曰會試。

二十六 功

試於京師。曰會試。

二十七 功

試於京師。曰會試。

所管三庫銀庫 (一) 逡巡進行不 (二) 庾山即大庾嶺在江西大庾縣南 (三) 煒威赤也 (四) 煒形管有煒 (五)

龜螭音癡昔時碑首圖螭形而樹碑負於石龜上

梅伯言光祿大夫經筵講官禮部尚書李公墓碑

光祿大夫經筵講官禮部尚書李公。以道光二十六年葬山陽縣郭南十五里曰高粱。咸豐五年二月十九日清明節門下士南河總督楊以增署江寧布政使何俊以牲牢樽俎奠祭於墓。及禮部員外赫特赫訥戶部郎中梅曾亮亦與焉。皆門下士也。既禮畢周覽兆域追維教思外碑巍然文字未琢。僉喟然曰吾師有碑不宜無詞以屬曾亮乃謹撰曰公山陽人姓李氏諱宗昉字靜遠亦號芝齡曾祖諱培祖諱慶曾考諱崇德皆贈光祿大夫妣皆贈一品夫人公以嘉慶六年辛酉拔貢舉於鄉壬戌進士第二人及第授編修充寶

由揭出作墓碑之

錄館纂修文穎國史兩館協修甲子陝甘鄉試正考官己巳會試同考官十六年大考賞大段遷贊善中允任貴州學政歷侍講侍讀庶子國子監祭酒旋改侍讀學士授浙江學政遷少詹事充日講起居注官還京稽察覺羅學遷詹事內閣學士兼禮部侍郎銜道光元年辛巳監臨順天鄉試稽察中書科補禮部左侍郎充壬午會試副總裁殿試讀卷官江西鄉試正考官接任

范承宗云通體
敘其仕官升降
彷彿為公繪一
陞官圖

學政回京。自戶部左侍郎。調工部戶部右侍郎。兼管錢法。充經筵講官。戊子
順天鄉試副考官。己丑會試副總裁。朝考閱卷官。教習庶吉士。兼管國子監
順天府府尹。署吏部右侍郎。以失察戶部書吏偽照。降三品留任。再署吏部
侍郎。充辛卯順天鄉試副考官。壬辰浙江正考官。賞還三品服。調吏部右侍
郎。母憂服闋。補吏部左侍郎。擢都察院左都御史。父憂服闋。署兵部尚書。補
原官。充武英殿試讀卷官。賜紫禁城騎馬。升禮部尚書。兼署兵部尚書。以疾
乞休。二十六年四月十日薨。年六十八。所著有妙香室詩集十二卷。文集十
九卷。經進集五卷。詞一卷。金石存十五卷。黔記四卷。致用叢書十七卷。應場
屋詩賦文若干卷。配沈夫人先卒。以弟子鼎琛嗣。其詞曰。

公為世瑞。文華道豐。天衢揚光。攬輝八紘。西北之英。東南之美。輜車風馳。入
我包匭。成均大師。六館詠歌。秋賦春闈。頻繁主科。謂公得士。述德未備。其於
民瘼。靡不軫計。黔撫見功。請丈匿田。瘠土增賦。利一害十。當乾隆初。議此被
駁。公持往告。撫乃大覺。豫章有饑。量吏束手。甚之成規。民活升斗。建此兩利。
皆以學臣。循分媿媿。孰此比倫。公有幼弟。年減三十。不慢以童。翼教惟式。公
有年友。宦蹇而終。恤孀教孤。俾以仕通。神明內含。不億人誑。告匱拯窮。答過

公之友愛精神
服官政績均於
此碑詞中達出
其功其德表露
無蔽

註釋 卷二十一

所望嗚呼我公。歿為人思。况門下士。厚蒙恩私。輕重泯懷。不以勢差。扶其躓
顛。完其瘡。疾誰無門牆。孰如公師。憶春載陽。養堂致壽。公侍尊前。羣士拜後。
羔雁委積。垂纓佩珂。擁戶交階。絳繅聲磨。榮親致歡。威儀之多。盛事如在。流
光逝波。刻文此碑。以永摩挲。



一經筵講官

歷代以經筵為天子研究經史之所。臣僚受命講解者。為經筵講官。清制由大學士各部尚書中簡派。

二山陽

縣名。舊屬江蘇。淮安府。即今淮安縣。

三南河總督

南河。注見上篇。清時置漕運總督。

四文穎館

清康熙間

置敕編皇清文穎。雍正乾隆時。修增之。嘉慶十一年。敕續修。

五寶錄館

以明清置寶錄館。以記天子之事。

六大考

清雍正

上諭嗣後庶吉士等。雖經授職。或數年以後。或十年。朕再加考驗。若依然精熟。必從優錄用。其或遺忘錯誤。亦必加以處分。後因之。七大段

謂繡緞也。

八贊善中允

皆官名。屬詹事府。掌侍從禮儀。駁正啟奏等。

九庶子

官名。周官謂之諸段。與緞通。

之庶子。掌其戒令。與其教理。六朝後為太子官。屬隋改為左右。唐時分掌左右。春坊。擬侍中。中書令。其後歷代相沿不改。

覺羅。清滿洲族姓氏。清代

二錢法

清制。戶部設錢法堂。掌京外錢幣事務。以右侍郎兼管。

三八紘

淮

南子。八紘之外。而有八紘。亦方千里。注

三轎車

輕車也。天子之使臣乘之。

匣也。古者以之納貢。此以喻得士。

五成均

古之大學。六館。實錄館。文穎館。書館。四庫會要館。

內廷方畧館也。

七豫章

於江南江北之地。古稱豫章。漢移其名。內廷方畧館也。

八畫史

同

大臣也。

九基

音忌。示瘡

瘡。皮膚

二羔雁

凡贊。卿大夫

三絳繅

衣聲也。絳亦作絳。

琴
摩掌謂撫摩也韓愈詩
誰復著手更摩掌

梅伯言禮部侍郎陳公墓誌銘

公諱用光字碩士江西新城人其大王父贈資政公世爵生道乾隆戊辰科進士贈光祿大夫光祿公生守詒陳州府知府贈資政大夫陳州公生公兄弟五人公次三自陳州公以上皆以名德尊重振匱濟貧於州里有恩公七歲喪母魯夫人逢忌哀感天性夙成年十四為四書文有明人程度中嘉慶五年順天鄉試舉人次年進士改庶吉士散館授編修十九年轉御史巡視西城以部議回編修供職道光二年遷司業歷中允侍講庶子侍講學士詹事府詹事內閣學士禮部侍郎署戶部侍郎終禮部侍郎階資政大夫公自少好為文章及壯師桐城姚學士鼎以為古文詞必扶植理道緣經術為義法宗四督儒不根而高材生又奴主同異破碎大體學不杓行藝精道荒慨然欲以文章道術自表見於歐陽文忠歸熙甫有意乎其為人也其為御史甚暫然嘗建深遠之論不趨避形勢擔撫細故自御史回編修益貧甚人勸其出遊公曰吾近臣也又為人客奈何嘗有貸於友人至則賦詩奕棋盡日暮忘所事而返平居著作鈔錄圖史凡案至無空隙處斷章片紙粘帖滿屋壁

有此精神可謂好學者矣故其

批評賣古之序頁真
碑誌類四

文能緣經扶理
浸浸入古


以其恬退而進
之官不失為知
賢之君世之狗
苟蠅營汲汲求
進而終不可得
者可以深省

陳新之云獎掖
後進為國家取
人才非一己私
也人之厚薄何
介於衷

中。或過從賓客。遊賞吟弄。不訾省有無費。前後為編修二十年。始轉司業。司
業例不與大考。公語曾亮曰。吾性好閱文。而拙於書。莫宜是官。不數年。驟遷
至閣學。上諭曰。汝非有保舉人也。朕知汝恬退。進汝官。公頓首謝。嘗充日講
起居注官。文淵閣直閣事。國史館文穎館及明鑑總纂。以編修為甲戌乙卯
會試同考官。乙卯順天鄉試副考官。戊辰河南鄉試正考官。以侍講學士為
乙酉江南鄉試副考官。以閣學侍郎為福建學政。壬辰科會試覆試閱卷大
臣。武會試總裁。浙江學政為學政時。以宋臣孫覲推忠助邪。奏罷其專祠。訓
諸生宣詩布文。原本古儒。先警戒之道。科舉契戾。屏不置口。至後進文士。則
稱心褒賞。薦寵廣坐。不顧人有厚薄。然否。使事畢。上以訊獄事留。道光十五
年三月獄成。復命。以禮部左侍郎供職。適上賜平定回疆圖。公觴客敬觀。樂
甚。未幾病。夢陳州公曰。求吾木於家。以是藥汝疾。其逃逋。曾亮聞而傷曰。病
求木。兆之棺矣。疾篤。賞假者再。以八月十三日薨。年六十八。公以文學結主
知。正直樂易。立身有本末。故始終優禮如此。俸祿所入。皆散贍昆弟親族。及
師友。姚學士鼎。魯進士仕驥。祭田千金。或數百金。其卒也。家無餘財。有衲被
錄太乙舟詩文集若干卷。春秋屬詞會義若干卷。未成。配魯夫人。四子。蘭瑞

國學生早卒。蘭滋上思州知州。蘭第戶部河南司候補郎中。蘭豫高唐縣縣丞。孫三人。曾孫一人。女七人。適魯。適徐。適禪。適曹。其三四所適皆王姓。以某年月日葬公於新城縣某鄉某原。公之孤蘭第來告曰。知公者莫如子深。敢請銘其詞曰。

公行高世。帝遂其逢。人巧人趨。安安而通。持古律衡。命觀五風。貪賢利善。悃悃斷斷。年不極位。孤士幽歎。山盤交交。公神是愉。窆石鑿詞。以奠陰墟。



一 大王父 曾祖也 二 資政大夫 清正二品文階封職 三 司業 古典樂之官兼教國子。隋用其名。置

國子監司業。以貳祭酒。歷代因之。清季始廢。 四 督儒 督目不明也。荀子。世俗之溝。猶督儒。 五 高材生 後漢書。乃詔諸儒。

各選高才生。受左氏穀。梁春秋。古文尚書。毛詩。 六 奴主 韓愈文。入則主之。奴之出則主之。 七 杓 音嫡。標的也。謂行。 八

擗 同撫。謂拾取也。 九 訾省 思索也。 十 閣學 即內閣學士。 二 孫覲 字仲益。宋晉陵人。嘗附張邦昌。 三 契戾

契合也。戾乖也。科舉契戾。屏不置口者。言不以科舉文為重也。 三 思州 舊府名。屬貴州。今改思縣。 四 高唐 縣名。舊屬山東。東昌府。

五 風 唐書。德宗遣黜陟使庾何等。巡行天下。陸贄說。使者請以五術省察風俗。曰聽謠誦。以審其哀樂。納市價。以觀其好惡。訊簿書。以考其

爭訟。覽車服。以察其奢。後省作業。以察其趨舍。 五 悃悃斷斷 誠貌。 六 交交 錯貌。加參。 七 鑿 刻也。

梅伯言。誥授朝議大夫。貴州遵義府知府。胡公墓誌銘。○○○○

君姓胡氏。諱鐘。字山音。又字蘭川。後自號晚晴居士。江寧人。其先自婺源以

有功而不自炫。古道可風。世之為民牧者。行一事則嗷嗷於眾。惟恐人之不知。抑何可鄙。

王先謙評中段
摹昌黎極上。

尊生之道。古今來之士君子。可引以為法。

明末來居。數世有隱德。不仕。君性孝友。博學多能。書畫尤工。年十六補邑庠。生應乾隆丁酉科拔貢。以是科舉於鄉。於四庫會要。內廷方略。兩館謄錄。議叙授雲南太和縣。歷任至貴州遵義府知府。以嘉慶九年致仕歸。始在雲南時。靖變民。嚴苞苴。立學校。卓卓可紀述。而家居不一語人。鄉里善事。銳身堅行。與後進均勞逸。當事者知君署可軌行。而平居不一至官府。自學士大夫。老親流輩。新進小生。至山僧羽士。無不交。茂樹幽石。寂寥莽蒼之墟。無不遊。州閭聚會。文酒之盛事。人必引之。以為名。而未嘗辭以事。古今圖書錢鼎畫印。其妍蚩真偽。有問者。必告以誠。所作丹青。真行篆隸。無疏戚為之。必盡其技。然常退然。若無能。和平齋莊。以一律持物。不見其待富貴貧賤迹者。二十年而不衰。七十七歲而卒。嗟夫。士君子度其身。其時。其地。有可以裨國家。庇民人者。則出可也。不自苦其心。而逍遙無為。以適己。則處可也。使君乞身之時。不早。志不堅。以增其祿位榮寵。即優游強健之樂。亦時有兼得者。而必有所棄。以全之。可謂能尊生矣。君卒於嘉慶二十四年十二月二十一日。後二年而配。盧恭人卒。以道光某年月日。合葬於聚寶門外某鄉。子濛。湖南候補縣丞。澂。嘉慶癸酉科舉人。充鑲紅旗官學教習。沛。縣學生。女三人。適張。適藍。

適汪孫男八人。女孫六人。凡嫁婚皆任族。雍雍可風。銘曰。

騁高衢。日未晡。忽解轡。肆嬉娛。眺嶽岑。水舒舒。古官人。為民瘼。昧其艱。謂退

愚。明古義。先生歟。銘其質。奠幽墟。



一 婺源 縣名。舊屬安 二 庠生 舊時府縣學 三 苞苴 苞。草也。苴。裹也。

喻納賄也。說苑。苞。苴。行耶。讒夫昌耶。 四 妍蚩 亦作妍媸。謂美惡也。 五 齋莊 恭敬尊 六 尊生 猶今言衛

公亦固情謹 七 鑲紅旗 滿族 八 雍雍 和 九 嶽岑 山小而高者。岑。山舒舒 十 舒舒

寬緩貌。韓愈詩。淮之水舒舒。 六 癯 與臞同。

梅伯言戶部郎中湯君墓誌銘

君姓湯氏。諱鵬。字海秋。湖南益陽人。父義。室妣某。恭人。道光三年。君年甫二

十。成進士。所為制藝。列書肆中。士子模擬。相接得科第。而君是時已專力為

詩歌。自上古歌謠。至三百篇。離騷。漢魏六朝唐。無不形規而神絜之。未幾成

詩集三千首。其始官禮部主事。既兼軍機章京。旋補戶部主事。轉貴州司員

外郎。擢山東道監察御史。年始三十餘。意氣蹈厲。謂天下事無不可為者。其議

論所許可。惟李文饒。張太岳輩。徒為詞章士。無當也。於是勇言事。未踰月。三

上章。最後以宗室尚書叱辱滿司官。非國體。言過當。且在己奉旨處分後。罷

不平條約之
害君於斯時早
已鑒及深慮卓
識是豈易得之
才


陶體文云立幹
分支綱目俱張
洋洋四十餘萬
言君之滿腹經
綸其盡乎是

人以文傳而文
亦以人傳滌笙
有祭海秋文可
以並讀

註釋
御史回戶部員外郎轉四川司郎中。是時英夷擾海疆求通市。君已黜不得
言事。猶條上奏書。轉奏夷務善後者三十事。雖報聞。而後美利堅求改關市
約。有奏中不可許者數事。人以是服其精。非疏濶大畧者也。君既負才氣。久
居曹司。以為事無論利鈍成敗有所為。當震褻人耳目。拘拘焉成易就之功
弗貴也。既不得施事。則將著之言。吾書出而人以為古嘗有是言。雖工弗貴
也。於是為浮邱子一書。立一意為幹。一幹而分數支。支之中又有支焉。則支
復為幹。支幹相演。以遞於無窮。大抵言軍國利病。吏治要最。人事情偽。開張
形勢。尋躡要眇。一篇數千言者。九十餘篇。最四十餘萬言。每遇人。輒曰能過
我一閱浮邱子乎。其自喜如此。姚石甫以臺灣道創英夷。受誣訴。事白出獄。
君大喜。觴客於萬柳堂。為石甫賀。余於是始識君。得讀浮邱子者。君嘗為會
試同考官。門下士多至九列。譽君者不患無其人。顧欲得余言為可否。於是
歎世徒畏君之才而豪。不知其不自足者乃如是也。嗚呼。君今其死矣。士而
才。固宜負病如是。迨既死而世無復見其病者。獨其才在耳。君之名。其可無
慮於後世矣。君卒以道光二十四年七月九日。年四十四。未卒前。過予曰。石
甫以同知官四川。為大吏者當何如。既而曰。天下事恐難滿人意也。後八日

而卒。余過長春寺。記與君揖張亨甫。樞而歸也。未踰歲而君復殞。於是黯然傷之。君娶於某子。倣昭。佶昭。佑昭。什昭。啟昭。孫惇允。女二人。適杜適李。以道光三十年某月日。葬君於某縣某鄉之原。其友生王少鶴謂余曰。銘以屬君。乃為之詞曰。

天與以才。負之氣神。豪語快士。所憐。大力者推幸。以遂容頭。平進不可意。摧堅犯難。壯莫掣。蹶而改圖。幾後世。四十餘萬載。厥字。魂雖埋幽。靈不翳。



一制藝謂經義制

二章京清代凡都統副都統以至各衙

三李文

饒張太岳

即唐之李德裕。明之張居正。皆權相之有才者。

四曹司

謂官吏之職司。

五裸表露

六容頭

公卿選儒

容頭過身。見一後漢書西羌傳。

梅伯言台州府同知龍君墓誌銘。

君姓龍氏。諱光甸。字見田。廣西臨桂縣人。曾祖贈文林郎鎮海。祖贈奉政大

夫翺。考贈奉政大夫濟濤。官柳州府教授。娶朱宜人。生光輔。而君為繼配。王

宜人出。嘉慶二十四年舉於鄉。大挑知縣。攝湖南溆浦縣事。君初試吏。僕從

滑胥。謂可以面謾誘。竭便為姦。然一不為動。聽訟不留不私。改湘陰。溆浦民

張樂送。緣道奔走。大吏知其賢。檄留省。斷疑滯獄。卻求直者金。補黔陽縣。溆

張錫文云除惡
刈奸不稍畏縮
勇毅果敢如見
其人

除暴安民設教
化民如此循吏
確不易得

今之司法者其
鑿諸若背乎人
情濫法殃民君
如有知當為長

浦鄰邑也。聞君至，皆喜。楊姓民詭明封爵，列祖像於堂，皆冕。君聚焚之。火妖
神廟，禁龍舟戲溺人。既興置利害，與學官子弟講習文藝，修古蹟，唐詩人王
昌齡樓，時觴詠其上。大吏以為能治劇，改武陵。道光二十一年，薦舉召見，擢
乍浦同知。夷亂後，民貧多姦，穴於墓，狀羣鬼劫人。君巡至穴，役懼前，即執炬
燧先入，皆就縛。巫幻術斂錢子罪並發，入其財於官。尤慎海防，嚴市舶，私貨
營其利者不便。大吏入其言以為讓，而君詞直，然心嘆其戇，弗善也。調台州
同知，官無署，皆留省。君心知其難，然不欲苟從眾，乃借解於民聽事，未久，民
皆恐君去，朔望講示聖訓，為木牌十六方，條目書上，先奉某牌，敬立，大言曰：
今日宣講某條，始入坐。巨盜名捕未得，一日至鄉，講未畢，械以歸，眾以為神。
於是官署立，市廛橋道修。二十九年十一月八日，引見歸，卒。許州旅舍，年五
十八。著宰黔防乍隨錄，詩文集若干卷。少工繪畫，能劇飲，及為吏，一皆屏絕。
吏所入，衣食其族，姍者十餘家，惟不能以言詞假人，或面責人過，退無後言。
至斷獄，則與人反覆導諭為家人語，或感悟罷訟，而未嘗時讀律例，嘗曰：合
人情安吾心，即中律令矣。故用法正而不拘，配黎恭人子啟瑞，以修撰官侍
講，任湖北學政，請君就養，而君官台州。方日夜馳捕盜賊，每冒寒中夜歸，手

頌揚之處。即其
不辭艱勞。已覺
難能可貴。

足僵冷。或謂君人為吏求逸樂耳。君固自苦。今子貴矣。盍少休。君曰。父子各受恩。各盡職。無相貸也。女四人。長者亡。幼者未許嫁。其二皆適士族。孫男二。維梁。維棟。女孫二。三十年十月某日。葬桂林南關外之北村。啟瑞以書告。且乞銘。銘曰。

吏也而勞。避位者媿。三古致身。不聞乞休。吏也而嬉。得喜失悲。逃爵之士。世見為奇。於今則奇。在古為譏。古義孰明。惟君念茲。不以子逸。去崇就卑。供養曰否。臣力未疲。翦蔓除荒。為民去疵。我銘其德。以告吏師。



一 文林郎 明清為七品封階
二 奉政大夫 清時從五品文階封職
三 柳州 舊府名。屬廣西。即今

馬平縣名。舊屬湖南辰州府。
四 溆浦 縣名。舊屬湖南辰州府。
五 湘陰 縣名。舊屬湖南長沙府。
六 黔陽 縣名。舊屬湖南辰州府。
七 王

昌齡 字少伯。唐江寧人。黔陽有芙蓉樓。為昌齡賦詩送辛漸之處。
八 武陵 縣名。舊屬湖南常德府。
九 乍浦 地名。浙江

海鹽兩縣接界。處為海口重地。
十 台州 舊府名。屬浙江。即今臨海縣。
二 聖訓 清康熙時。有聖諭十萬言。頒布

宣講為之。
三 許州 舊為直隸州。即今河南許昌縣。
三 三古 伏羲時為上古。周文王時為中古。孔子時為下古。

梅伯言國子監學正劉君墓表


君諱傳瑩。字蕉雲。漢陽人。祖方行。父正柏。余初識君時。君二十餘。以舉人官國子監學正。方考古。務為精博。又好為古文詞。然常多疾。疾每發。輒廢食。且不

此種好學精神。後之學者其當興起。

揚偉文云。句向緊轉峭折如柳子厚筆法。嗚呼。一數開出一番議論。

一語斷定得是。

能近書。君家故貧。去父母兄弟久。又連喪婦。愛君者。皆以君有所不自得者。戒於學宜少休。而君自苦彌甚。志益高。且欲追古為己之學而從之。不以文學人自處也。而不自標異。雖余亦於其疾且歸。始知其日進也。可愧也。歸未數月。道光二十八年九月十八日卒。年三十一。既卒。乃得其日記。並遺令讀之。始若可怪。繼為之悲。卒乃起人敬。嗚呼。君之學。蓋自不妄語始矣。嘗以為世之困人者。獨功利耳。文章傳述之事。得其深者。亦有以淡外慕而自足。要不若守身義理之學。超萬累之表。而莫吾挫。此豪傑之士。所以必志於是。而不以自怍也。如君所志者。是已。君始娶湯。繼娶陳。終娶鄧。鄧有高行。父兄媵以財數千金。夫不樂受。遂反之。母氏以是知君固窮之節。行於家也。無子。嗣兄子世圭。卒之明年某月日。葬祖墓側。將卒。書告友人曰。上元梅先生表吾墓。龍侍講書。曾侍郎誌吾墓。何編修書。遂皆如其言。



一漢陽

舊府名。屬湖北。今改縣。

二國子監學正

即國學之教官。

三媵

送也。

四龍侍講

即龍

啟五曾侍郎

即曾國藩

六何編修

名紹基。字子貞。湖南道州人。工書。

梅伯言侯子有先生墓誌銘

先生諱雲錦。字子有。亦字抑菴。江寧人。父學誼。母顧氏。試中嘉慶三年舉人。

讀其自書其文
固別開一格而
其人之行亦奇
異出衆

再娶羊氏陳氏皆無子。先生於內行修也。少以文名於時。於仕宦僥得之矣。卒不遂。晚乃頽墮委靡。務為無訾省狀以自適。然終不能自勝。其卒也。疾以肝。凡不至聽事者數年。卒時年五十七。將死自書其行曰。父母已衰。孝不勝。慈有弟曰松。友不勝。恭少治章句。乃為祿利。晚逃佛老。未捐忿。忮詩。今之奴。字古之隸。嗚呼哀哉。名與生做。其伯父諱學詩。由進士歷江西撫州府知府。文學政事皆可書。有外孫梅曾亮。於先生為弟子。實銘其墓。銘曰。生靡樂。死奚若。嗚呼先生此其壑。

註釋

① 僥得

所謂小有所得也

② 忿忮

忿恨也。怒也。忮嫉妬也。

其出入之於古者
 固與開一絲
 其自書其
 其出入之於古者
 固與開一絲
 其自書其

主與樂天莫欲知也至此其望

大學知事者下書其後其言其意其望

字古之稱謂也其言其意其望

其言其意其望

其言其意其望

其言其意其望

續古文辭類纂卷二十終

續古文辭類纂卷二十一 碑誌類五

長沙王先謙纂集

梅伯言王惠川墓誌銘○○

君一縣生員耳而能有此見識彼所謂名儒大師者相形之下當羞慚何似

君名渭字惠川蘇州府吳縣人自曾祖至君始業儒為吳縣生員以嘉慶二十二年卒於南昌客舍年四十一以某年月日其妻子葬君於某所友人梅曾亮為之銘君博覽強記尤熟於史著五代史職方考一書同里顧廣圻以精博擅一世尤亟稱許惠川然惠川惟志於討論得失要最為文章成一家之書嘗曰古人與身誰親分章竄句甘心古人之功臣吾不暇也其為文辨博廉悍以有關於道術為主其詩悽慘幽邃雖小物必有所指而用思至精世俗人莫能知也國家興文教幾二百年名儒大師閒出說一字之誤陳書至數十種窮搜而遠採以上及杳冥不可知之年下至骫骳慢戲假托名字閒脫分裂古人之所不稱往往立之而書出於剌取收攬之中蓋幾於盡矣獨文章之學倡之者既寡其人而為之者又或束書不觀割裂首尾惟閭里師戶知童守之文形撫聲襲游談無根為樸學者鬪其捷而奪之氣故其道益孤而不能振然則惠川以魁竒鴻博之才棄俗尚以從事於斯道而卒不

刁天璋云極揚其文章之可貴而歸之於不棄言下無限惋惜

一氣作結文意纏綿此深情之作

得以壽考成其材。此非獨君之不幸。亦斯道之不得其人。以倡之者之不幸也。君為人落落自喜。每自詫曰。吾豈長貧賤者。又曰。吾雖貧。不能為童子師。人信之。君益困。惟南昌太守張敦仁雅重君。其卒也。太守實歸其喪。未卒之三月。君過江寧時。病瘧者半載矣。余阻其行。君曰。歸易耳。即不病。當餓死。奈何。送君至歧路而別。君儼然逐行李去。百步外猶數數反顧。時二十一年十一月十三日也。余之見君。蓋自此止矣。嗚呼。死生離別之感。固今古所饜見。而以生平意氣之合。其文采又足以表見於後世。而曾不得假之年。以極其才力之所至。如君者。其可悼惜為何如也。銘曰。儒菟義弱。文机斃胥。鈔計帳以塞責。無賢與姦用一格。使忠義人色有墨。鬼蜮逡巡。貌不得誰。追使還文字。職君志未就。死誰惜。觀所成者。視此石。



一職方考

考正輿地職貢之事

二顧廣圻

字千里清元和人精小學天文歷算輿地之學

三散音散

邪曲也。漢書其文散散。

四收攬

同摺謂收拾也

五撫

同模音然懶懈貌

七饜

飽足也

臬不安之貌。易困於艱。枕隍。易困於艱。枕隍。

九胥鈔

胥吏供鈔錄文件故稱胥鈔

梅伯言朝議大夫臺灣府知府蓋君墓誌銘 ○ ○

嘉慶初賊起川楚。以文吏著殺賊功者。四川劉公清。河南林君嵐。陝西則蓋

是即徵兵制度
三丁抽一無丁
輸財辦此團練
何患土匪今日
羣匪如毛防患
除害當取法乎
是

君方泌也。君字季源，亦字碧軒，山東蒲臺人。曾祖越，祖國杰，皆縣學生。父諱熙，早卒。娶靳恭人，無子。以弟子為後。本生父諱東烈，任安徽司獄。本生母王恭人，自祖以下及本生，皆贈如君之官。乾隆十六年，以己酉科拔貢，就州判。陝西署漢陰廳通判，石泉縣事。署商州州同。時嘉慶三年也。治商州東百里，曰龍駒寨。寨之東河南，南出武關，湖北路四通。綰商賈輸寫之會。又多林莽，山徑易憑匿。賊自武關入，陝寨數創。君始至，民吏掃地赤立，而賊首張漢潮擁眾至，乃置藥麵中，誘賊食，多死，遂西走。大軍乘之，漢潮由是不振。然且揚言曰：必報若。君集眾謀曰：賊雖去，必復東。若等逃亦死，守不得耕種亦坐臥死。我文官也，無兵。若能為吾兵，當相為全活爾命。眾議三日，而後復曰：生死惟命。乃築堡聚糧，據見戶三丁抽一，得三千人。無丁者以財佐兵械糧糗。且教之戰，辰集午散。曰：無廢農事。四年，賊屯山陽鎮安，將東走河南，迎擊敗之。又擊賊於鐵峪鋪，逐賊入林中。矛折，賊已近，奪矛以斃賊。時賊踞山上而伏，其半於溝，乃分兵翦伏，奪據其東山上，數乘懈擊之，殺傷過當。賊宵遁，卒不得東。後賊由雒南東逸，君馳至分水嶺，間道走鐵洞溝，出賊前而伏。賊錯愕迎戰，遂敗，殺數百人。鄉兵名由是大振。自武關至竹林關，鄉兵皆請隸龍駒

歷述殺賊之功。文吏而能如此。誠不易得。

方彥暉云。插入一段議論。以明公之有益人國。其功不可泯滅。

寨五年。知州困於賊。君馳百九十里至北灣。賊驚曰。龍駒寨鄉兵至矣。遂遁去。是時賊屯商州西及雒陽山陽。各萬餘人。集眾勢欲東出。君合武關竹林兵二萬人。列三大營以待。賊不敢前。而聞楊忠武公以兵自商州至。即前擊賊。東西夾攻。賊大敗。幾殲。是役枕戈而寢者五十日。遊擊誣以事解職。大吏直其謾。得留任。賊遂相戒無過商州。八年賊平。始授盩厔知縣。公在商州六年。賊出入陝西久。無所掠利。銳欲窺河南甚。狼奔鼠偷。情狀掇出。而眇然以一文吏。不憑一城。藉一餉。起千百農家子於逃亡餓羸之餘。抗堅悍滑習之賊。於必爭之衝。推鋒守堅。賊死突不能入平地。便奔走。牢困山谷。卒就擒滅。夫古人有身受重寄。一失守。縱賊出隘。奔騰潰漫。不可收拾者。人必舉後此禍敗之罪。歸重於首禍之人。幸有大力者當之。奔騰潰漫之禍。泯不復見。又習而忘之。未嘗以歸罪於敗者之重。增重於成者之功。然則惟無赫赫之名。而其功乃有益於人國。此固君所不得而辭者也。在盩厔猶時時入山搜賊。巡撫方勤襄公。奏賞藍翎。又生得十三年寧陝倡亂者四十餘人。奏授寧陝廳撫民同知。睿皇帝召見。問商州事甚悉。授四川順慶府知府。改成都府。十八年。岐郿有賊入川。以鄉勇屯川陝通路。賊知為統龍駒寨鄉兵者也。即遁歸。

賊之畏公何一至於此

勇毅果敢可入循吏傳

梅伯言有總兵劉公清家傳在傳狀類中可參看

陝就滅母憂服闋授福建延平府知府改臺灣府兩攝臺灣道事道光三年以病歸里十八年六月卒年七十一君始在陝後在川皆以知兵重然精吏事重民命其在蓋屋賊甫平即捐俸賑飢旌死節婦及河灘馬廠鹽法皆區畫久遠計始至順慶大吏聞渠縣民叛屬以兵君曰此作會人眾客主相驚疑訛言橫生非叛也請毋用兵捕十二人而其變息始至閩以三十金賞捕得周永和乃總督命鎮將欲以兵取者在臺灣所識四獄皆千百聚羣稍激則變君一以理喻民輸其誠蔽罪如法彰義飢捕劫者七十人置之法天乃雨民呼為太守雨其行事操舍適機會又如此配萬恭人先卒里居時聞君日戰賊憂甚侍斬恭人前言笑若無事者嘗誡子曰爾守有餘然居官當求濟於事有七子八女長子鈺陝西佛坪廳同知萬恭人出次錯錕錡鍵鋌鏐孫男一女孫二以道光十九年十月二十八日葬君於蓋村北原上曾亮在江南時嘗記劉公清林君嵐及君遺事君長子後為同年進士走京師以狀示曰子於先君嘗有述也請遂成之乃系以銘曰

討賊方亟募民以攻始仗其力終怙其功養之病國汰之為賊勿養勿汰惟龍駒寨晝趨爾耕朝揚其麾飽德飫義奮如虎螭遂遏逋寇成誅於師勝兵

批評 碑誌類五

萬人計臣不知嗚呼此則府兵之遺而後事者可以為規

一川楚 指四川及湖廣各省也清仁宗初教匪倡亂九年始平 **二司獄** 官名清時按察使及各府均設此官

三州判 州通判 **四漢陰廳** 舊屬陝西興安府今改稱縣 **五石泉** 縣名舊屬陝西興安府 **六商州** 今

陝西商南縣 **七武關** 地名戰國時為秦之南關在今陝西商縣東 **八瀉** 通瀉 **九山陽鎮安** 均縣名舊屬陝西商州

十雒南 縣名舊屬陝西商州 **二雒陽** 謂雒南 **三楊忠武** 楊遇春清崇慶人嘉慶時平川陝楚教匪有功歷官陝甘總督

卒諡忠武 **三遊擊** 官名位次參將 **四蓋屋** 讀如周室縣名舊屬陝西西安府 **五方勤襄公** 名維甸號葆巖官至直隸

總督 **六藍翎** 清禮冠之飾制似花翎而無眼秩較卑而有功者得賜用之 **七寧陝廳** 舊屬陝西今改縣 **八岐郡**

岐山郡縣二縣名舊屬陝西鳳翔府 **九鹽法** 商民課稅之法也 **十渠縣** 縣名舊屬陝西今改縣 **二讞** 平議罪

三彰義 地名 **三府兵** 後周置六軍合為百府每府一即將主之分屬二十

二開府復加持節都督以統之是為府兵之始唐制分天下十道置府六百三十四而關內二百六十一皆以隸諸衛府置折衝都尉一人征行宿

衛皆以遠近分番

梅伯言項府君墓誌銘

君諱虹字作豐温州瑞安縣歲貢生祖啟龍考諱昌基生一子五女君性孝

友樂善移兄弟之愛於女兄弟嫁而貧者析產置田不以母同異為厚薄遠

祖墓田廢充以己田不以族遠近為公私推其愛及父母之姻族權疏戚緩

李知方云以愛字籠公生平移兄弟之愛於女兄弟又推其愛及父母之姻族更推其愛及鄰里州黨若公之行可謂善推其所愛者矣

取士之道宜學行並重科舉則獨重其學以是獨行有道之君


急時調給以為常。推其愛及鄰里州黨。凡橋梁道路。有不便於人者。無不修。年歲飢疫。有活人之事。無不為。粟米錢帛。衣袴藥物。可以給人之物。無不蓄。且具偶出。欲有所衣寒者。不及歸。取解傭衣。而歸償以新衣。傭皆樂從之遊。見空器在門。實錢物令滿。其人來。自持去。人忘其施。君亦不以為德也。治家及外所交際事。盡日乃休。而又好詩及書法。習科舉學。乃先明而興。客至始盥沐。則程課畢矣。學使者每拔冠其曹。比鄉試。數不售。有人為主司。先游者。峻拒之。以諸生終。嘉慶六年五月十四日卒。年四十九。君始娶戈。繼娶於李。於林。長子俊。次霽。次傅霖。女四人。適林。適孫。適張。其次三者未嫁卒。傅霖試禮部京師。與曾亮善。將以某年月日。改葬君於某鄉某原。以君之行告。且乞銘。嗟夫。君之行。古所謂獨行有道名。應選舉者也。論士於古。有循是而至公卿者矣。然使古取士之法。與士自修其身之道。離而二之。其操行果盡出於是。而無待而然者歟。抑勢之相激。中材有不能自阻者歟。夫古人善其身而祿及之。猶不可因祿以疑其善。況乎祿不出於是。而獨為於今之世。如君者。勤孰與古人多。吾以是知謂選舉興而行多偽者。感也。銘曰。命於福為嗇。性於善為豐。名於己為阨。功於人為通。愴乎其幽宮。固安其宗。

子每不得舉可
知選舉之制似
不可廢

息事寧人是忠
厚長者之風

張錫文云克家
令子誰謂非積
德之報

先敘事次頌贊
墓表作法大抵



一先游謂先為遊說也二憺乎安貌

梅伯言贈按察司照磨吳府君墓表

照磨官名掌
照刷卷宗

君諱達德字懷新明初自江西遷今湖南者為君十四世祖始著籍巴陵至
起家為富人者曰傳經生君及其二季嘗應試人踐履不得前吏前卻之徑
出不再應試專意於宋五子書扁表其言使出入見之座事繼母待異母弟
弟婦孀居者及家子弟親族少長必隱度於恩義之平人求貸必應貸以訟
必辭開諭情事使兩息而後已嘉慶十八年歲飢出穀萬石賑之大驚其縣人
君曰吾自惟心計衰冀少事耳暇則手寫書史自種菜果課傭佃指授田法
時與諸昆弟歡飲醉則益和而恭道光五年正月二十日卒年七十一母胥
氏繼母孫氏李氏配羅氏徐氏子友樹敏樹庭樹女一孫八人曾孫十二人
以其年十一月五日葬君於橫板橋直其家南十里敏樹以舉人官教諭曾
亮見其文京師以為能學歸熙甫者也狀君行請為之表嘗以謂三代後道
德衰而游俠盛然通財之義固道德中所自有者也以古之無甚貧富而不
以是為名高也遂謂自游俠者倡之儒者避其名而不復權其義世因以儒
之行病不廣大豈所謂能宏道者乎君學道人也散萬金不以概其心是異

如是初學作文最易學步

夫儒而不利於物者



一巴陵縣名舊屬湖南岳州府二宋五子書即宋儒周敦頤程顥程頤張載朱熹五人為道學正宗三

歸熙甫明歸有光四游俠謂好交游而急人難者史記有游俠列傳

梅伯言館陶縣知縣張君墓表


為民請命當有此等精神

君姓張氏諱琦字翰風陽湖人祖政誠考蟾賓皆以君兄惠言官編修贈翰林院庶吉士祖妣白氏妣姜氏皆贈孺人君以舉人騰錄議敘道光三年官知縣山東補館陶縣始至權鄒平歲且盡君閱村四百七十麥無入土者即申牒報災其詞堅大吏破成格入奏因鄒平得緩徵者十六州縣民失物誤訟於長山歸獄於君君曰汝失物地大樹北抑樹南也曰大樹北君曰若是則我界也民愕然曰誠鄒平耶即不欲以數匹布煩父母官持牒去後權知章邱鄒平民時赴訴君曰此於法不當受者也慰遣之章邱俗好訟又多五大府書吏撓令權君結正二千餘事私書絕蹤然君所權兩縣或數月或歲餘即受代惟館陶八年人戴之如親戚而君政固不為姑息始受事久旱君禱雨既應糶倉穀平價振口糧士民皆洽歡乃嚴捕劫盜姦民士有訟者閱其詞不直即曰課汝文不至訟乃至耶試責以文不中程後乃決事士訟遂稀

朱鈞評仁術兼濟為治民要訣後之仕宦此為規範

既為文人又為循吏文於無可著思議處借文入與循吏發抒出一番議論文字便生出精采來

其仁術兼濟類如是然君尤以館陶地斥鹵不宜穀又衛水數敗田精求古溝防及區田法試行之未遂而病道光十三年三月十二日卒年七十子珏孫殤曜孫以舉人令武昌女子四長適吳廷珍刑部員外郎次適章政次適孫勃次適王曠皆士族以是年十一月六日葬君於縣之龍山湯孺人先卒而祔墓既誌曜孫乃乞為之表君少以文學名與兄皋文編修伯仲也詩詞醫學書法皆能得其深著錄十餘種人以君為文人傑魁者矣而未意其能為循吏如是嗟夫是乃所以為文人也夫政不達而言立者蓋亦寡矣苟以君所為者有過乎文人此可謂能知君矣未可為知文人也且世之所謂文人者又何也



一陽湖

縣名舊與武進同屬江蘇常州府今併武進縣

二議敘

清制凡官員有功而交部核議謂之議敘

三館

陶

縣名舊屬山東昌府

四鄒平

縣名舊屬山東濟南府

五大府書吏

謂總督巡撫屬下之治理文書之吏也

六

斥鹵

鹹地也說文謂之斥西方謂之鹵

七衛水

即衛河在館陶縣西二里

八區田法

舊說地一畝濶十五步每步五

尺計七十五尺每行一占地尺五寸該分五十一行種一行於所種行內隔五十三行長濶相通二千六百五十五區空一行種一行於所種行內隔一區種一區除隔空外可種六百六十二區古謂每區可收斗穀則每畝可收六十六石見張履祥農書

史記有

寥寥數語却描摹當時情景宛如目覩情切語擊讀之令人嗚咽是真深情之作

梅伯言男八十墓碣○○○

男八十。又名煥枝。梅曾亮伯言第三殤子也。以嘉慶壬申年十月十三日生。殤於道光二年十二月之十日。生三歲而其母病且卒。指八十以示吾而後死。今汝又死。前一夕徧呼家中人。漏下五鼓始絕聲。朝晡後氣絕。其叔父仲卿痛之甚。以成人禮葬於西城內烏龍潭之東西面。先是一月。八十隨奴子韓貴謁其母及叔母墓。循是潭而歸也。今所葬適值其地。嗚呼。兒憨癡如凡童。又年不及中殤。吾家人待之。蓋情過於禮矣。然獨以為天下之可悲者。莫吾兒若也。



一漏下五鼓

(唐書百官志)宮門局。宮門郎二人。掌宮門管籥。凡夜漏盡。擊漏鼓而開。夜漏上水一刻。擊漏鼓而閉。

二朝晡

日過午後曰晡。即申時也。按晡當作鋪。謂朝食後也。

三成人

謂成年之人也。今以滿二十歲為成年。

四中殤

男女

未成人而死。年十五歲至十二歲為中殤。

梅伯言鄒孺人墓表○○○

婦人七品曰孺人。

道光二十六年冬夜發篋。得管異之遺墨。述其母鄒孺人事。凡百五十字。曰先母鄒氏。考諱森。安東縣教諭。母周氏。諱瑋之女。歸先君。生子女四人。年三十七而遭先君喪。以女工典質。支柱門戶。事先大母葉孺人八年。葬先祖祖

任光遠云貧苦之家以一女子當之嫁娶盡禮教子有方彤管所稱不過如是

不虛美不繁稱是誠善述其親有合古道

母及孺弟妹嫁一女娶一婦。延師於家。教同讀書。至十七歲而後止。嘉慶二十三年九月二十七日卒。年六十六。道光七年四月二十八日。與先君合葬於江寧安德門外之傳家山。子一人。名同孫一人。名嗣復。孤管同泣血謹述。嗟夫。此異之書。示其友乞墓表者也。異之書。此未幾。試禮部道卒。子方幼。今十餘年矣。而嗣復始成立。乃追書以遺之。以卒吾先友之志。夫異之所述。自世俗務虛美者觀之。無絕殊者。然以家之貧薄而事之危苦也。獨以一女子當之。詩曰。哀哀父母。生我劬勞。異之蓋有以知劬勞之人。無有過於為父母者矣。此所以為善述其親。而余不能有加於是者也。嗣復今為諸生。而甚文庶其知先人以誠敬其親。而不自飾於其友者。於古道皆有合焉。孺人之夫諱文郁。余記揭帖圖字西京者也。



一管異之

即管同清上元人。文

二安東

隸縣名。屬江蘇。淮安府。即今連水縣。

三試禮

部

清時科舉會

四揭帖

猶言揭貼。通雅。宋元豐中。詔中書寫例一本。納執政。分令諸房揭帖。


梅伯言朱孺人墓誌銘○○○

吾友繡山。以函封詩詞及摹漢魏篆隸書。告曾亮曰。此吾婦朱孺人作也。吾婦幼失母。專其事母者。事父及後母遺腹弟。調燥溼。禦侵侮。皆與其勞。年二

善移其孝移事
母以事父移事
其親以事吾親
移事吾母以事
祖姑婦德如是
其可無詞

李龍評婦之一
生才德假其夫
口吻忠實寫來
此種筆法乃可
不落虛說

十而歸余。移其事親者事吾親。不敢有失焉。不逮事吾母。移其事姑者事祖姑。不敢有失焉。吾家素貧。而族太姁眾。賓客酒漿。束修之供饋。能內外支拄。不見罅漏。使吾無自失於人者。又以其餘功。習詩詞。繪畫。隸楷。女姁好學者。多從之遊。其性情好尚。固絕異乎常女子也。然親戚時聚處。酬高應卑。各適其人。未嘗以才語自標異。其密於用心者如是。故瘁而病。且產。遂卒。吾哀其賢且勞。致天其生。而嗇於報。以女子而求託於沒世不可知之名。而其所喜以自見者。又僅有是。敢質之以徵於墓詞。嗚呼。其哀也如是。其可無銘。孺人諱瑛。字寶瑛。海鹽人。內閣學士兼禮部侍郎諱方增之女。曲阜孔憲彝之繼室。道光二十五年六月十五日卒。年三十五。所著詩詞各一卷。子慶第。慶篤。女慶婉。以其年十一月二十七日葬於衍聖公墓左。銘曰。古傳列女多雅才。以才為諱。孰致斯。惟德不淑。才乃疵。能宜尊章。故持持。囊篋細。大安提提。六親攜姁。歡如歸。箴管餘事。藻筆搗。才若此者。乃可詩。有傳疑者。徵余詞。



一 束修

束修。脯也。十脰為束。古者相見必執贄。以為禮。二 瘁。勞也。三 海

鹽。縣名。舊屬浙

四 曲阜

縣名。舊屬山東。五 衍聖。孔子後裔。世尊章。亦

作嫜舅姑也。一漢書一背尊章。七持持猶言持重之八提提安靜九六親父子兄弟姑

姻姪也。十箴管具(禮內則)右佩箴管也。

梅伯言崔恭人墓誌銘○○○


為賢婦為良母即此數語稱述已足

語語沉痛迫切之情全自肺腑中吐出

道光六年二月二日太守余公之配崔恭人卒於江甯官署將葬子炳堃泣告曾亮曰吾母事舅姑愛稱其敬事家大人德稱其義性好施與周嫺族禮稱其情大人少好書史外嗜不移及成進士官刑曹直樞廷一心奉公不問生產母縮食嗇衣區畫綜理未嘗使大人憂及隨宦大郡以約守盈虔於神先朝夕必致敬課兒嘗至夜分畢課出鍼綫補綴以為常吾數省試不售而歸母必強言笑以慰之及吾幸售歸稍遲而母疾已殆吾欲如昔不售而歸見吾母強為歡不可得也吾母雖及待吾歸實如未見吾稍有成也吾之悲蓋非人所能知也家大人實知子子辱與炳堃交敢請銘曾亮不得辭則謹序曰恭人姓崔氏江西德化國學生耀采之子縣學生立達之弟年二十一歸欽加道銜江甯府知府德化余公子五人思森堯恩早卒炳堃道光五年乙酉科舉人皇恩廣東鹽大使寶錕附生候選知縣孫安圻安炯安耀恭人生乾隆三十四年正月五日年五十八道光八年某日葬於德化縣某鄉某里

銘曰

莊莊神君孰翼以輔英英令子孰摩以拊遺榮今即幽馨無絕於終古




- 一 德化 縣名舊屬江西九江府今為九江縣
- 二 莊莊 於直
- 三 神君 賢聖長官之稱
- 四 令子 猶稱

賢郎一南史任昉傳一聞卿有令子

梅伯言倪孺人墓誌銘○○○

孺人倪氏望江人桐城劉孟塗妻也孟塗以文名於時家貧客游供養事一
 委之孺人能敬禮不怠道光四年七月十四日孟塗客亳州暴卒時孺人生
 子數不育又新喪女而妾所舉子病且殆大慟曰吾夫殆無後矣即自剄不
 殊至人定後縊死時去孟塗死百日二十三年其子繼來京師興歸孟塗集
 告曾亮曰吾母以今年某月日葬縣之某鄉某原敢請銘且言孺人殉夫時
 事俯首淚下噫夫亡矣孺人不濡忍以待其子者以是子之必不可保也今
 孺人葬而是子來乞銘焉如之何其不悲也銘曰
 不忍靡遺豫死塞悲子壯既成不見母生悲夫以有此烈與名

昊天有靈不絕其後其子之告敘述先德情文深婉



- 一 望江 縣名舊屬安徽安慶府
- 二 亳州 舊屬安徽潁州府今改亳縣
- 三 人定 謂人皆安息之時也

續古文辭類纂卷二十二 碑誌類六

長沙王先謙纂集

曾滌笙江忠烈公神道碑銘

吳希賢云有先見之明不愧為柱國功臣

彼此嫉忌緩兵不救此賊勢之所以猖獗也向公之罪其何以逃

公諱忠源號岷樵新甯江氏曾祖登佐太學生祖獻鵬父上景歲貢生母陳太夫人生子四公其長也少而豁朗英峙以縣學附生選為道光十七年丁酉科拔貢生旋中是科鄉舉久客京師以大挑得教職與曾國藩陳源亮郭嵩燾馮卓懷數輩友善嘗從容語國藩新甯有青蓮教匪亂端兆矣既歸二年而復至京余戲詰公青蓮會匪竟如何何久無驗也公具道家居時陰戒所親無得染彼教團結丁壯密繕兵仗事發有以禦之逮再歸而果有雷再浩之變公部署夙定一戰破焚其巢誘賊黨縛再浩磔之湖廣總督上其功賞戴藍翎以知縣用公入都謁選又語國藩前事雖定而大吏姑息不肯痛誅餘黨難猶未已踰年而復有李沅發之變又踰年而廣西羣盜蜂起洪秀全楊秀清之徒出大亂作矣公為縣令浙江歲餘咸豐元年丁家艱歸大學士賽尚阿公督師廣西馳疏調公赴粵既至則又為副都統烏蘭泰公所賓敬事無巨細必再諮而後行人無疏戚貴賤必察公意嚮而薄厚之教公之

蔓州難圖。况於賊黨。因循姑息。遂釀大患。執國政者。其注意及之。

勞請擢同知直隸州。換戴花翎。公亦謁誠贊畫。募楚勇五百人助戰。湖南鄉勇出境討賊。自此始也。烏公慷慨負氣。與提督向公榮積有違言。公以書曉譬烏公。禮下之已甚。冀感動向公。卒不能得。逮圍賊於永安。復代為一書。抵向公。力諫圍師缺隅之說。請合圍而盡殲之。又不能得。因引疾歸。歸而永安賊出。大敗官軍。遂至桂林。公聞警募勇。倍道赴援。將終佐烏公以平嶺表。未至而烏公陣歿。自是獨領一隊。賊中往往指目江家軍矣。既解廣西之圍。旋大捷於袁衣渡。賊不得掠舟而北。衡永以安。賊攻長沙。公與力爭南門天心閣。築堅壘據要害。長沙以完。賊之渡洞庭而東也。實惟咸豐二年十月之杪。旌旗帆檣蔽江而下。公痛時事之益壞。怨吾謀之不見納。悵然不復欲東。巡撫張公亮基亦奏公留守湖南。是冬破賊目晏仲武於巴陵。剿平徵義堂會匪於瀏陽。明年春署湖北按察使。翦叛民劉立簡於通城。縛陳北斗於崇陽。皆以疲卒千餘。盪寇數萬。天子褒歎。由是有幫辦江南軍務之命。公拜疏將赴金陵。中途聞廣濟宋關佑為亂。移師討之。事甫定而朝廷命公速救鳳陽。不數日而江西巡撫檄公速援南昌。公曰。金陵鳳陽雖有朝命。然殘破之區。效遲而事易。江西雖無朝命。然完善之土。禍急而事難。吾當先其難者。遂挈

歷敘公殺賊之功而洪揚之亂亦可想見

周爾本云公之一生言盡於此可作江公傳讀


師由九江蹕四百里。入南昌。翌日賊至。則設施畧備。上下恃以無恐。賊晝夜環攻。闕地十道。分擾旁郡。以眩我謀。終不得窮。公方畧。凡九十餘日。而圍解。上嘉公功。賞二品頂帶。賜翎管班。指諸物。厥後田家鎮失。上疏自劾。詔旨雖許。鐫四級。然旋有安徽巡撫之命。又詔公。楚皖一體。當相緩急。為去留。不必拘於成命。蓋聖主倚公辦賊。不復中制。而海內企踵。喁喁亦咸知非公莫屬也。公以為武昌差足自保。廬州新立行省。危在旦夕。法宜經營淮南。以分吳楚賊勢。拜疏自鄂之皖。躡雨而行。將卒終歲。奔命道病。公亦病。至六安。病甚。六安吏民遮道請留。不許。昇疾竟達廬州。部分未定。而賊大至。公設策應敵。一如守長沙南昌時。而城無見糧。藥鉛罄竭。元從之士不滿千人。諸軍屯四十里外。觀望莫救。公弟忠濬自楚來援。為賊所梗。咫尺不得通問。公病益困。不食數日矣。城陷。發憤投水死。咸豐三年十二月十七日也。春秋四十有二。越八日。募人入賊中。負公屍以出。事聞。天子震悼。追贈總督。賜祭葬。命廬州及湖南江西皆立專祠。褒公三代如其官。予諡忠烈。咸豐五年。劉公長佑開關歸公喪新甯。六年某月。葬於某里某山。公弟三人。仲即忠濬。以兵事積功。至道員。歷官安徽四川布政使。次忠濟。戰功最偉。殉難岳州。予諡壯節。次

出於忠義視死如歸諡曰忠烈名副其實其人雖死而其功則如日月於天不可泯滅

忠淑縣學附生保敘知府。夫人陳氏無子。以弟子孝椿為嗣。妾楊氏公既歿而生子孝崇。國藩昔與公以學行相切三十一確。文宗御極薦公以應求賢之詔。公嘗疏請三省造舟練習水師。又嘗寓書國藩。堅屬廣置礮船。肅清江面。以弭巨禍。其後國藩專力水軍。幸而有成。從公謀也。自公之薨。忠濬等數乞余文表公墓道。大義相許。神人共鑒。余其敢讓軍興以來。死事者多矣。或邂逅及難。而幸廁忠義之林。何可勝道。當公赴江西之急。有詔令至金陵。及赴廬州之急。有詔且留楚中。宜可稍安。以惜有用之身。而公必蹈危地。甘死如飴。但求無疚於神明。豈所謂皎然不欺者耶。嗚呼。忠已。余既揭其用兵始末。乃並述他行義聲之銘詩。用告異世治國聞者。銘曰。

儒文俠武。道不並張。命世英哲。乃兼厥長。惟公之興。頽俗實匡。明明如月。肝膽芬芳。有師鄧君。有友鄒子。卧病長安。朝夕在視。亦有曾生。燕南旅死。謀歸三喪。反葬萬里。兩以躬致。義泣鬼神。近古之俠。孰與比倫。作宰吳越。風教露養。秀水賑飢。翼民以長。蘇其枯骨。衣以文襦。儒吏之風。並時無兩。蘊此兩美。風雷入懷。砰然變化。陰闔陽開。宜戡大難。重奠九垓。半駕而稅。天乎人哉。楚師東征。倏逾十秋。三十萬人。金甲三十二貌貅。死者半之。白骨高邱。人懷忠憤。如報

私仇千磨百折。有進無休。終殆元惡。盡復名城。天河盪穢。海宇再清。公初其始。不觀其成。九原可作。慰以茲銘。



謂官吏也。一 新甯 縣名。舊屬湖。二 雷再浩 新甯會匪。清道光二十七年。起事於新甯黃坡崗。三 謁選

部應選也。四 李沅發 新甯會匪。清道光二十九年。五 洪秀全 楊秀清 廣西

領道光三十年六月。起事於廣西桂平縣。世稱洪楊之亂。六 賽尚阿 清滿

湖南雷李亂後。餘黨均竄粵境。蠶起應之。七 烏蘭泰 清滿洲人。以廣東副都統。嘗辦

咸豐元年。辦理湖南防務。旋又。七 烏蘭泰 廣西軍務。生擒洪大全。因與向

榮不合。八 直隸州 自領一州之地。而有屬於府。而直隸於布政使。其知州。九

戰死。京築長圍圍之。咸豐六年。病死軍中。諡忠武。十 永安 舊廣西州名。今改為縣。

向榮 四川大寧人。字欣然。官至湖北提督。洪楊竄南。嶺表 五嶺之表。即嶺南。二 簞

時賽尚阿督向榮。烏蘭泰等攻永安。不克。嶺表 五嶺之表。即嶺南。二 簞

圍之。缺城北一隅。賊卒由北路犯桂林。二 嶺表 五嶺之表。即嶺南。二 簞

衣渡 咸豐二年四月。粵匪入湖南境。江公敗之。輜重登陸。三 衡永 湖南

州。永。四 張亮基 字石卿。江蘇銅山。五 巴陵 縣名。舊屬湖。六 瀏陽 縣名。舊屬

州。七 通城 縣名。舊屬湖。八 崇陽 縣名。舊屬湖。九 廣濟 縣名。舊屬湖。十 鳳陽 縣名。舊屬

名。屬。二 踔 越也。三 焱 音標。疾。三 田家鎮 地名。在湖北。四 廣濟 縣名。舊屬湖。五 鳳陽 縣名。舊屬

批評

卷之六

碑誌類六

三

名鶴齡。鄒子名興愚曾生名如隴秀水縣名。舊與嘉興同屬浙

音漬。腐肉也。九垓九天之上也。一上暢九垓貌貅猛獸名。古者軒轅

亦帝戰於阪泉之野。故。九原禮。以從先大夫於九京也。按晉

後世因謂。墓為九原。

曾滌生羅忠節公神道碑銘○○○

公諱澤南。字仲嶽。號羅山。湘鄉羅氏。咸豐四五年間。公以諸生提兵破賊。屢

建大勲。朝野歎仰。以為名將。而不知其平生志事。裕於學者久矣。公之學。其

大者。以為天地萬物。本吾一體。量不周於六合。澤不被於匹夫。虧辱莫大焉。

懍降衷之大原。思主靜以研幾。於是乎宗張子而著西銘講義一卷。宗周子

而著人極衍義一卷。幼儀不慎。則居敬無基。異說不辨。則謬以千里。於是乎

宗朱子而著小學韻語一卷。姚江學辨二卷。嚴義利之閑。窮陰陽之變。旁及

州域形勢。百家述作。靡不研討。於是乎有讀孟子劄記二卷。周易本義衍言

若干卷。皇輿要覽若干卷。詩文集八卷。其為說雖多。而其本躬修以保四海。

未嘗不同歸也。始公家世貧甚。曾祖王父曰阮。王父拱。詩皆以公貴。贈通奉

大夫。父嘉旦。公歿後。賞加頭品頂戴。曾祖王母蕭氏。王母賀氏。母蕭氏。皆贈

馬振之云。公之所以轟轟烈烈。而建此不朽之功者。一本諸於學。故文先敘其學。後述其功。

所見不同凡夫
有大見識乃能
成大事業

能文能武可與
滌笙媲美

夫人公少就學。王父屢典衣市米。節縮於家。專餉於塾。年十九。即藉課徒取
貲自給。喪其母。又喪其兄。旋喪王父。十年之中。連遭期功之戚。十有一。嘗以
試罷。徒步夜歸。家人以歲飢不能具食。妻以連哭。三子喪明。公益自刻厲。不
憂門庭多故。而憂所學不能拔俗而入聖。不恥生事之艱。而恥無術以濟天
下。其後年逾三十。乃補學官附生。逾四十。乃以廩生舉孝廉方正。假館四方。
窮年汲汲。與其徒講論濂洛關閩之緒。瘠口焦思。大暢厥旨。未幾兵事起。湘
中書生多拯大難。立勲名。大率公弟子也。咸豐二年。粵賊攻圍長沙。縣令召
公練鄉勇。以備不虞。省城解圍。明年春。巡撫張公亮基。檄公帶勇長沙。維時
國藩奉命督治團練。因與公講求束伍技擊之法。晨夕訓練。擊土寇於桂東。
擒逆黨於衡山。其夏賊圍江西省城。乃益募湘勇二千。輔以新寧之勇。鎮寧
之兵。檄公赴援南昌。湘軍越境討賊。自此始矣。既解南昌之圍。復破賊於安
福。歸及衡州。殲土匪於永興。四年春。湖北之賊大舉南侵。官軍失利於岳陽。
克捷於湘潭。提督塔齊布公追賊至岳州。余檄公與李公續賓佐之。公扼大
橋以遏其衝。凡七戰而羣賊潰。岳州平。乘勝逐北。連復三縣。將攻武昌。公手
一圖。就余決策。師出兩路。以塔公進洪山一路。而自請攻花園一路。當其堅

者如其策果克武昌漢陽兩城賊既東奔追及於興國大搏於田家鎮公提

卒二千禦數十倍之寇感之江濱挂石墜崖死者萬計而水師亦斷橫江鐵

鎖燔賊舟數千當是時公名震天下前此累功保至道員花翎至是有寧紹

台道之命加按察使銜既而引兵北渡克廣濟黃梅賞葉普鏗額巴圖魯名

號又引兵南渡攻圍九江進規湖口賊堅守不可遽下適會水師分兵入宮

亭湖江上之軍不利而湖北諸軍屢敗賊自黃梅長驅西上武昌再陷公太

息深憂歎世變之未已也益討部眾而申警之或解說周易以自遣云時別

賊陷饒州弋陽弋陽公入江西援剿大戰弋陽克之賊陷廣信廣信又戰信州克之又

以其閒收復德興景德鎮東路甫定而義寧復陷公軍渡湖漢而西至則示

形杭口而暗進鼇嶺屯高峯以瞰敵設三伏以要之四戰而賊大燬義寧既

克有詔加布政使銜公以書抵國藩具論吳楚形勢欲取九江湖口法當先

圖武昌欲取武昌法當先清岳鄂之交於是馳疏以公回援武漢朝廷嘉焉

遂略通城克崇陽挫衄於濠頭堡大捷於蒲圻將達武昌巡撫胡文忠公歡

迎勞問凡事咨而後行城外賊壘鏟除畧盡殄滅有緒矣公以霧中搏戰中


槍子傷創甚咸豐六年三月初八日卒於軍春秋五十事聞天子震悼照巡

宋秉德評講求
輿圖於山川脈
絡瞭如指掌故
行軍進止無不
迭奏奇功

非學無以成其
業映照上文首
尾呼應

撫例賜卹。二子皆賞給舉人。三省建立專祠。予諡忠節。公在軍四載。論數省
安危。皆視為一家骨肉之事。與其所注西銘之指相符。其臨陣審固。乃發亦
本主靜察幾之說。而行軍好相度山川脉絡。又其講求輿圖之效。君子是以
知公之功所蓄積者夙也。非天幸也。配張氏誥封夫人。妾周氏。子兆作。配胡
氏。兆升。配曾氏。國藩第三女也。余與公以學行相勗。又相從於金革。申之以
婚媾。乃撫其大節。銘諸墓道。銘曰。

漸車之澗。積潦縱橫。崇朝即涸。卷勢收聲。大江西來。其源萬里。澤溥寰區。不
矜厥美。無本者竭。有本者昌。羅公淵默。所蓄孔長。洞徹天人。潛跡往聖。一物
未康。終虧吾性。提師苦戰。荆揚二州。斧彼凶豎。為民復讐。矯矯學徒。相從征
討。朝出鏖戰。暮歸講道。洛閩之術。近世所捐。姚江事業。或邁前賢。公慎其趨。
既辨其說。仍立豐功。以雪斯恥。大本內植。偉績外充。茲謂豪傑。百世可宗。



一六合

天地四方謂之六合。存而不論。

二降衷

惟皇上帝。降衷於下民。

三張

子

即宋張載。著有正蒙。及東銘西銘等書。

四周子

即宋周敦頤。為宋理學之開祖。

五朱子

即宋朱熹。

六通奉大夫

清從二品。文階封職。

七濂洛關閩

即宋五子。濂溪周敦頤。洛陽程頤。關中張載。閩中朱熹也。

八瘠口

瘠謂病悴也。楚辭。

躬勛勞。

九桂東

縣名。舊屬湖南郴州。

十衡山

縣名。舊屬湖南衡州府。

十一新甯

縣名。舊屬湖南寶慶府。

十二鎮

筭筭讀如干。湖南辰州有筭子。安福縣名。舊屬湖南澧州。今改為臨澧縣。永興縣名。舊屬湖南

州柳岳陽即湖南岳陽縣。湘潭縣名。舊屬湖南長沙府。塔齊布字智亭。清滿洲人。由湖南都司官至湖

北提督。後攻九江。興國昌府。今為陽新縣。田家鎮注見上篇。寧紹台道清

管轄浙江寧波紹興廣濟縣名。舊屬湖北黃州府。黃梅縣名。舊屬湖北黃州府。葉普鏗

額巴圖魯巴圖魯。滿洲語。譯言勇士。上四字勇號也。宮亭湖在鄱陽湖南。饒州舊府名。屬江西

陽縣。為弋陽縣名。舊屬江西廣信今改為上饒縣。信州唐置。屬江西

其舊治。德興縣名。舊屬江西景德鎮在江西浮梁縣西南二十里。

義寧舊州名。屬江西燿火滅也。燿師湖口縣名。舊屬江西蒲圻縣名。屬

湖北武胡文忠公名林翼。字潤之。晞也。荆揚古荆州揚州通稱地。姚江學派。

矯矯矯貌。虎臣。姚江世稱王守仁。為浙江餘姚人。

曾滌笙李忠武公神道碑銘

公諱續賓。字迪庵。湘鄉李氏。湘軍之興。威震海內。初之者羅忠節公澤南。大之者公也。咸豐三年。賊圍江西省城。國藩募鄉勇三千往援。公隨忠節公以行。初至。失利。右營主者戰歿。公代領其眾。自是忠節公將中營。公將右營。所向有功。在江西克復太和安福。歸至湖南。克復永興。明年。粵賊犯岳州。忠武

羅澤南李迪庵曾滌笙皆為有清中興名將。洪揚之變。不至亂靡有屈全賴諸公。

功績卓絕摩崖
以紀豈得謂之
好事

公塔齊布率師禦之。余檄忠節公與公助之。所部僅千人耳。賊眾數十倍。塔公控其東。湘軍扼其西。盛夏鑿兵出奇制勝。凡兩旬而岳州平。轉戰而北。連下三城。八月進攻武昌。漢陽克之。十月大戰於田家鎮。破之。田家鎮者江流盤折偏隘之處。其南岸為半壁山。峭壁斗絕。賊以鐵鎖橫江。萬舟翔集。氣銳甚。公手刀怯卒三人。士皆殊死戰。連破賊壘。而水師亦乘機斷鐵鎖。焚賊舟。好事者至摩崖以紀績。公前以累功保至直隸州知州。至是記名以知府用。賞給摯勇巴圖魯名號。旋有安慶府之命矣。先是湖南水師中江而下。陸師趨江之南岸。湖北陸師趨江之北岸。南軍屢捷。羣寇蜂屯北岸。於是公輩引兵北渡。掃蕩廣濟黃梅之賊。既又南渡。會攻九江郡城之賊。城堅不可遽下。又議分兵先剿湖口梅家洲之賊。無何累攻不克。水師失利。北軍撓敗。金陵逆渠益縱羣凶。西上武昌。漢陽再陷。南軍孤立潯陽。國藩以為大戚。公亦深憂之。痛世亂之有屈也。靡五年二月。信州告警。公與忠節公自潯馳援。迭克廣信府城及弋陽等四縣。東路南定。遂建西援武昌之議。大捷於義甯。小挫於通山。下崇陽。略通城。躡羊樓峒。擣蒲圻。撥咸甯。次第勘定。乃以十一月杪。師次武昌。巡撫胡文忠公林翼大喜。事無鉅細。惟忠節公與公言是聽。忠節挈持大綱。其戰守機宜。胥公

于勉仁云相得益彰澤南無功庵無以偉其功迪庵無澤南無以大其業

志在救民富貴利祿豈足得失於其心


王開山云大文夫當馬革裹屍

主之。公含宏淵默。大讓無形。稠人廣坐。終日不發一言。遇賊則以人當其脆而已。當其堅。糧仗則予人以善者而已。取其竅者。士卒歸心。遠近慕悅。咸豐六年三月。忠節公中槍不起。公接統全軍。眾志愈勵。劇平城外悍賊之壘。卻劇寇石達開來援之眾。周城掘塹。引江水入湖。困以長圍。十一月。再克武昌。漢陽。天子偉其功。賞加布政使銜。記名以按察使用。未幾提兵而東。再薄九江。九江賊酋林啟榮者。堅忍得眾。內與小池口湖口梅家洲諸城首尾相掇。外與皖廬之賊互為聲援。公既掘長塹以圍淪。又分軍援剿江北。舟載奇兵。夜襲湖口之背。遲明水師至。而陸軍伏發。立克兩城。事聞。拜浙江布政使。明年四月。卒克九江。殄滅無遺。天下快之。賞穿黃馬褂。加巡撫銜。公每建一功。晉一秩。數省官民歡抃稱道。若寵榮之在躬。或歌誦戰狀以為樂。傳播中外。浙人仕京朝者。疏請敕公東兵以救浙難。而胡文忠公以皖中糜爛。請留公軍圖皖而固鄂。天子許之。公乃整旅入皖。踰月。連下潛山太湖桐城舒城四縣。師次三河。毀賊九壘。而逆酋陳玉成等四面來援。截我糧路。我軍銳氣日滯。師少而半潰。公力戰終日。自度事不可為。夜半怒馬陷陣。死之。咸豐八年十月初十日也。諸將堅守營壘。又三日而俱敗。又六日而桐城守兵亦敗。前後

死者殆六千人。無苟活者。疏入。文宗震悼。手詔曰。惜我良將。不克令終。尚冀其忠靈不昧。他年生申甫以佐予也。追贈總督。湖北江西安徽湖南立祠。予諡忠武。賞騎都尉。兼一雲騎尉世職。公之先人世有令德。曾祖本桂。祖詩白。皆以公貴。贈榮祿大夫。父登勝。公歿後。特恩加封光祿大夫。曾祖妣張氏。賀氏。王氏。祖妣戴氏。母蕭氏。皆封一品夫人。公端凝敦篤。愛人不尚美言。而意溢於色。色餘於詞。雖他軍之將士。逃難之流民。皆歸之若父。兄聞其死。哭之皆慟。至不忍聞。同治二年。朝廷遣官賜祭。三年。克復金陵。推恩有功之臣。賞二等輕車都尉世職。配謝夫人。子三。其二殤亡。光久欽賜舉人。引見。賞六部員外郎。又以兼襲二世職。併為男爵。孫二人。某某。咸豐九年。葬公於湘鄉四十三都黃牯冲星子山之陽。同治八年某月某日。改葬某鄉某山。乞余文其墓道之碑。余既羸。敘戰績。乃兼述其懿德。而系以銘。銘曰。器有洪纖。因材而就。次者學成大者天授。嶽嶽李公。表裏完好。匪琢匪追。動合大道。羅公講學。遠紹洛閩。公分其緒。樞衣恂恂。出而禦寇。戎馬艱辛。入而問道。克己求仁。誰悔誰尤。責躬獨厚。胸臆眾流。曾不出口。負重含汗。浩如山。藪險趨人。先利居眾。後豈無贏財。不牟我私。不忍己飽。而人獨飢。分餉諸軍。

銘詞意盡辭簡
一字不可易

蘇槁噓訛反自潯陽少憩武昌將請於朝覲親還湘王事有嚴離局匪遑斯願不遂茹涕閭傷遣將分兵助我東征擇良而予出以至誠四分五剖精銳星散自攜部曲疲羸居半損己濟物近古無倫終焉師燿以仁隕身行類大愚乃動鬼神公功久著爛若三辰德或不顯考此銘文



一 摩崖 碑文就刻於名山巖石之上者曰摩崖
二 潯陽 本水名在江西九江縣北即大江也唐改江西九江亦曰潯陽

三 通山 縣名舊屬湖陽北武昌府
四 趾 足踐也
五 羊樓峒 在湖北蒲圻縣西

六 石達開 廣西桂林縣舉人太
七 揀 與救同
八 黃馬褂 清制凡文武大臣或以大射中候或

以行陣功烈皆特賜黃馬褂 皆
九 三河 鎮名在安徽舒城縣
十 滌 音泄散也
二 申甫 名臣伯仲山甫皆周

神生甫 及申
三 騎都尉 官名漢武帝置以李陵為之
三 雲騎尉 清為世襲職之末級
四 輕

車都尉 一勳官名亦世襲職清有
五 嶽嶽 長角貌漢書五鹿嶽嶽未雲折其角
六 摠衣 挈衣也

恂恂 信實之貌論語孔
二 骨 枯骨之尚
元 離局 猶言離去職守也

之警匪 星日月
辛 三辰 星也

曾滌笙李勇毅公神道碑銘 ○○○

公諱續宜字克讓號希庵兄弟五人忠武公諱續賓次居四公其季也余既銘忠武公之墓茲不復具其家世公少好深湛之思強探力索洞徹幽微師

有是兄而有是弟一門將才忠勇可敬

有忠武以助忠
節有勇毅以助
忠武可與羅忠
節公神道碑銘
李忠武公神道
碑銘二文合讀

高讓之云是將
兵才湘軍之得
復振以此

事羅忠節公澤南。常以躬行不逮為恥。咸豐三年。羅公募勇援救江西。公遂
參軍事。以功累晉知縣同知。賞戴花翎。而名顧不顯。六年冬。湘軍再克武昌。
漢陽。巡撫胡文忠公奏公有勞。特為兄續賓所掩耳。有詔以知府選用。賞加
道銜。既而隨兄圍攻九江。明年。以事省。余瑞州軍中。遂偕諸軍圍攻瑞州。會
皖北羣賊上竄。斬黃公。乃自瑞挈千七百人回救湖北。師至黃州。與胡文忠
公並轡謀野。周覽形勢。自巴河斬水廣濟。黃梅六戰。破賊壘無算。遂會克小
池口。由是公之威名與忠武公差頡頏矣。公率所部。既集九江。忠武公乃得
以其閒分兵克復湖口。連下彭澤。小孤。梅家洲諸城。公又以偏師卻湖口之
賊。禦竄陷麻城。黃安之寇。忠武公乃得專力破滅九江。皆公之助也。湖北事
已大定。胡文忠公以皖中久困水火。奏請救忠武公廓清皖北。而留公以固
楚疆。天子亦南憂江淮。絕重李氏昆季矣。無幾何。而有舒城三河之變。忠武
公殉難。將士死者六七千人。天驚地岌。公在黃州。哀迫之際。經緯萬端。入則
損食悲咽。出則拊循潰卒。思鄉者遣歸。願留者編伍。哺粟賜衣。接以溫語。差
討諸將之罪。而簡用其良。部署粗定。適胡文忠公以母喪奉詔起復。相與申
警簡練。而湘軍復振。明年夏。劇賊石達開竄擾湖南。圍寶慶。公時新奉荆宜


林憲中云非有深謀遠慮安能建此奇勳兄弟二人均得賞穿黃馬褂榮譽何如

施道之命。統兵自鄂援湘。朝廷壯之。師抵長沙。進自資水之西。四戰而解寶慶之圍。圍中官軍三萬。與飢困之民。一時得蘇。眾聲大和。論功賞加布政使銜。當是時。余與胡公方議併力規取安慶省城。余弟國荃與將軍多隆阿分圍安慶桐城。公自湖南東還。駐軍兩路之中。曰青草橋者。大敗逆酋陳玉成於挂車河。布陳之廣。近世罕聞。旋拜安徽按察使。十一年。又有安徽巡撫之命。公具疏以謂逆酋圖解安慶之圍。悉銳西竄。必犯湖北。以攻我之所必救。湖北為眾軍根本。臣宜提師回援。不能遽受皖撫之事。比公馳抵武昌。而賊已犯黃州德安兩府五縣。其別賊自江西至者。又陷興國大冶等縣。公經營七月。始將列城恢復。安慶亦藉以告克。而胡公薨於位。文宗亦晏駕。八音遏矣。今上嗣位。褒安慶功。賞穿黃馬褂。調補湖北巡撫。既又命移撫安徽。公初蒞安慶。繼駐六安。屢奉密詔。以苗沛霖叛服無常。詢問剿撫機宜。公覆疏謂苗沛霖官至道員。公犯不韙。圍撫臣於壽州。陷其城。屠其眾。乃復詭言求撫。此豈足信。不過假稱反正。號召近縣。養成羽翼。若正彼叛逆之名。人人得而誅之。而寬其黨。與使為我用。彼勢日孤。終成禽耳。天子韙之。公又以時解潁州之圍。克霍邱之城。綏撫各圻。陰散逆黨。選任賢吏。安民墾田。功緒漸彰矣。詔

可知朝廷於公之器重。

授為欽差大臣。而公適聞訃。丁母憂。不克受事。朝廷命仍署理巡撫。三疏陳謝。始奉命賞假百日。回籍治喪。公既以苦思遘疾。徹夜不寐。夙患咯血。至是增劇。歸里後。六奉詔旨起復。墨經視師。公以哀慕未忘。而嬰疾轉篤。請假四十日調養。既而輿疾就道。又請假四月。併開巡撫之缺。朝廷鑒其至誠。所請未嘗不許。而以淮南事棘。又未嘗不敦促上道。詔召相銜。至冬初。再疏自陳病狀。公亦自知不起。遂以同治二年十月二十八日卒於家。春秋四十有一。敕照總督例賜卹。三省建立專祠。予諡勇毅。配彭氏子光英。特賞直隸州知州。同治三年某月某甲子。葬某處某山。八年某月某甲子。改葬某山。公與忠武公皆負重名。淡於榮利。昆弟同之。忠武好蓋覆人過。公則嫉惡稍嚴。忠武戰必身先。驍果縝密。公則規畫大計。而不甚校一戰之利。至其臨陣。百審一發。發無不捷。成功一也。余不詳叙戰狀。而略述公言以綴之。銘曰。凡戰有機。鬼神翕闢。靜如山寒。終日闐寂。動若電飛。百霆齊擊。蓄勢宜久。氣暮宜淳。此公之言。吾耳所聆。凡公勲績。好謀乃成。博籌多算。終格神明。匪直戰事。學道亦然。精思力踐。誠可達天。立功雖偉。公不自賢。立德未竟。齋志九泉。我銘昭之。永詔萬年。

相提並論。作者之於二公。可謂情深誼厚。



一瑞州舊府名屬江西今為高安縣 二蕪黃均屬湖北省 三巴河水名源出湖北羅田縣北

流至黃岡 四小池口在封郭洲去江西德化縣城十里 五彭澤縣名屬江西九江府因縣入江

江采石以上 六麻城縣名屬湖北黃州府 七黃安即黃梅安福二縣 八經緯謂整齊之也 九寶

慶舊府名屬湖南今改縣 十荆宜施道清時管轄湖北荆州宜 二資水湖南水名源出綏寧縣之

唐糾 三多隆阿字禮堂清蒙古正白旗人死於捻難 三興國大冶縣名屬湖北武昌府 四八

音過金石絲竹匏土革木謂之八音過 五苗沛霖初以生員為團練長

川北道猶持兩端咸豐十一年四月與壽州豪族仇殺遂攻壽州巡撫翁同書被劫詔令同書來京以公代同治二年殺沛霖降其黨 六穎

州舊府名屬安徽今為阜陽縣 七霍邱縣名屬安徽潁州府 八圩岸也江淮間水高於 九墨經

喪服也左傳 十翕闕翕合也闕也 三滄水止

曾滄笙畢君殉難碑記

自楚軍之興忠武公塔齊布實始以勇名天下楚人剽悍者率低首塔公亦
艷稱雲南畢君塔公每臨敵負槍挾弓矢又令二卒樹長矛執曳馬繩竿以
從其為器也四畢君每臨敵負槍腰五十矢又令卒手蛇矛持八尺刀以從
其為器也亦四塔公躍馬颺馳瞋人迫從從輒反鞭之畢君怒馬直穿賊陣
戒後者無得妄從我人亦自不敢從也畢君名金科字應侯雲南臨沅人以

描寫君之勇武
支筆靈動栩栩

若生

朱點元云立誓
殺賊有此必死
之志乃能樹此
不朽之功

名重則謗興位
尊則毀至今古
一轍

征開化苗匪功。敘藍翎外委。署臨沅鎮標外委。咸豐四年。隨副將王國才赴
 湖北軍營。破賊於天門丁司橋。累敘至花翎都司。十一月。國藩檄令隨塔公
 塔公物故。畢以驍勇冠得軍。逆酋石達開之寇江西也。連陷瑞州臨江等八
 府數十州縣。畢君所至。常陷陳克捷。旋為他部牽率失利。終不得獨錄其功。
 自九江奉檄而南。五年十二月。破賊於樟樹鎮。明年二月。軍敗失之。自南昌
 而東。以六年五月。破賊於饒州之章田渡。六月。郡城陷失之。畢君自痛為他
 部所累。益發奮。募死士再入饒州。誓眾曰。今日上岸破賊不捷。吾不復歸舟
 矣。一鼓克復府城。饒之耆黎婦孺見聞者。與不見聞者。皆曰。畢君功也。由是
 賞加呼爾察巴圖魯名號。補臨沅鎮都司。升用遊擊。名譽大振。而忌君者日
 以次骨。飛謀薦謗。迭相污染。君提千餘人。當四戰之地。索餉不至。又惡忌者
 出己上。中夜鬱鬱不自得。常思立奇功以自旌異。會徽池之賊大至。歲暮。士
 有飢色。有司者責君能破景德鎮。軍食可圖也。君以正月二日出師。初四日
 驟攻景德鎮。入市。乃無一賊。別募十人。搜剿後街。賊蜂起。從卒亡七人。傷三
 人。君縱橫擊刺。踐血而出。最後賊以噴筒環攻君於王家洲。隕焉。年二十五

批評 碑誌類六


世之汲汲於功
利者可引為前
車之鑒

不勝其多
矣

歲耳。聞十有八日。前從傷卒三人者。收得遺屍。又三載。咸豐九年。子弟國荃破賊。景德鎮。憑弔畢。君殉難之所。而壯士則既死矣。功名之際。有天有人。在己者。獨足恃哉。於是伐石以表遺蹟。聲之銘語。俾行路歌之。以永饒人之思。

銘曰

橫目蚩蚩。同出一冶。眾雌無雄。誰是健者。塔公首出。次乃畢君。軀幹雖小。陳安之倫。匹馬斫陣。萬夫莫當。人心之賊。一矢或傷。內畏媚嫉。外徧強寇。進退靡依。忍尤叢詬。鬱極思伸。矯首舐天。徒飛無翼。或墜於淵。淵則有底。憤則無已。萬代千齡。哀此壯士。



一開化

舊府名。屬雲南。今為文山縣。

二鎮標

清代總兵管轄之兵。謂之鎮標。

三外委

清代額外差遣之武

員四副將

清代提督下。有總兵副將。各轄其兵。總兵亦稱協鎮。

五天門

縣名。屬湖北安陸府。

六都司

清時四品武職。位次遊擊。

七樟樹鎮

在江西清江縣東北。有城。周十里。本新淦縣舊治。亦曰清江鎮。

九橫目

莊子。夫子無意於橫目之民。

十蚩蚩

敦厚貌。一詩。氓之蚩蚩。

二媚

也。三舐

讀若士。以舌掠取之也。

曾滌笙林君殉難碑記

嗚呼。自余倡率楚師。轉戰荆揚二州之域。其間相從死事者。不可勝道。或貞

憑空著論。君之為人。已可由論斷中想像及之。

季時中云。佞者刀。讒者魚。肉公道不伸。吾為君悲。

語何沉痛。抑鬱之氣溢於言表。

白無他。誓不相背棄。而慷慨一瞑。志不得稍伸。名不祿於當世。愛之而莫能收焉者。尤可悲也。林君源恩。字秀三。四川達州人。道光丁酉。科拔貢生。癸卯。順天鄉試舉人。咸豐元年。選湖南平江縣知縣。二年。粵賊洪楊之屬圍長沙。其冬。瀏陽匪徒為亂。明年春。通城匪徒為亂。三縣者皆與平江接壤。君詰姦守隘。如防禦水。截然不得墊溢。江忠烈公才君之為。既保奏以同知直隸州補用。又以書播告士友。道林君堪軍旅也。會國藩治舟師。檄君募平江勇五百人。以從。四年三月。賊自鄂中南犯。君禦之平江九嶺。果大捷。同官有忌君者。功不得敘。又別摭他事中之君。悒悒內不能堪。而口獨重滯。嘗發憤欲一廷辨。宿戒設辭甚具。至則為眾所噤害。卒不得發。或反引咎自責。是歲十月。追隨國藩於九江軍次。造次欲有所申理。亦不竟白也。明年春。檄君治湘軍糧臺。歸自廣信。又治塔軍門忠武公糧臺。又佐理鄱湖水師營務。十一月。又攝理陸軍於廬山之麓。姑塘之南。而江西巡撫文公聞君賢。飛檄調至南昌。付以所新募之平江營者。君在廬山。與一二武人為儔。折節內交。武人益不孫。嫚辭侵侮。或稱書生。跬步矍矍。馬知戰事。君既痛其穢。又口重滯。卒無以折之。獨夜歎曰。丈夫壹死強寇耳。終不反顧矣。及至南昌。領新軍。乃稍自喜。

不幸竟成讖語
卒殉於難遺骨
莫辨夢夢茫茫
人非木石讀之
能不掩卷愴然

是時劇賊石達開犯江西連陷八府五十餘州縣六年丙辰三月李元度次
青率師自湖口南來君與鄧輔綸彌之自南昌而東兩軍會於撫州疊戰皆
捷人心始定賊亦糾合列郡醜類更番搦戰我軍輒卻之又至又大創之疲
極不得休息秋九月分軍出攻崇仁宜黃適會援賊大至君竟以十七日戰
敗死之始君嘗誡其下曰好相保吾與若共命於茲也至是眾知君不屈相
從死者三百餘人君歿二歲咸豐八年四月官軍克復撫州又明年國藩師
次於此弔君殉難之所尋逝者之骨邈然其不可復識矣於是為立石以表
遺蹟綴以銘詩以告於不知紀極之世之一二君子以達余之耿耿銘曰
胡古胡今強吞弱伏佞者刀碓訥者魚肉文吏賊深武夫悍激訥者避之負
牆屏息忽入戰場萬馬辟易士固難料理固難推災祥顯晦孰執其機昔聞
人述言出君口我不知戰但知無走平生久要臨難不苟大信不明堅可鍥
金澆俗所侮鬼神所歛精魂遠矣北斗帝鄉遺骨莫辨蔓草茫茫有欲求之
環此石旁

註釋

- 一 荆揚古二州名通稱
- 二 悒悒有所思端坐悒悒
- 三 噤害言而不

- 心害也
- 四 糧臺軍行時調發軍中糧餉之機關
- 五 塔軍門即塔齊布軍門清時為提督之敬稱
- 六 廬山在江西

南七姑塘在江西彭澤縣北八折節謂屈己以下人也九跬步謂半步也

子跬步而十矍矍視遠貌易二獷猛橫也三撫州舊府名屬江西今為臨川縣三崇仁

縣名舊屬江西四宜黃縣名舊屬江西撫州府五紀極猶言終極也蕭子良文六耿

耿不安也一詩七訥者賦性遲鈍之人六辟易退避也項王瞋目叱之九鍬刻也

曾滌笙何君殉難碑記

嗚呼。軍興十載。士大夫君子橫死者多矣。獨吾友何君丹畦。尤深痛不忍聞。

自近古以來。未有行善獲禍如是之烈者也。豈不悲哉。君以咸豐四年五月。

由翰林院侍講。上書房行走。出為安徽甯池太廣兵備道。時則安慶暨濱

江府縣。淪沒賊中。廬州新立行省。亦陷於賊。副都御史袁公軍臨淮。提督和

公。巡撫福公軍廬州。君當之官。不克南渡。袁公欲資君以兵。西會楚師。福公

亦具疏留君江北。檄君募勇出征。公私匱乏。沮傷百端。最後得二百餘人。率

之以西。至霍山。徵集潰兵團勇三千餘人。推誠獎勵。遂以十月二日。大破捻

匪李兆。受於城東。追至麻埠。又五日。至流波。碰檄商城。固始團練堵其北。金

家寨圍丁禦其東。而自率所部過其西。捻黨洶懼。李兆受與馬超江等相繼

投誠。遣散脅從。遠近大悅。環三四縣。皆輸猪雞糗糧金錢之屬。聲終宵不絕。

行善獲禍。此豈天理之常人情之當然。其忠肝義膽亦足光耀千古。

陳新之云供養
匱乏飢寒交迫
其致敗也可必

先是大府帥檄君救援廬江。檄未至而城先陷。至是奉被劾革職之命。軍士
 懷不能平。雖百姓亦惘惘也。方楚師之出岳州而東也。克武昌。下黃州。破田
 家鎮。水陸電邁。席卷千里。其後塔齊布羅澤南兩軍由黃梅南渡以圍九江。
 賊循北岸而上。復陷蘄黃。竄武漢。自長淮以南。天柱內外。所在蜂屯。君以孤
 軍流離。西與楚師不相聞。東與廬州大府隔絕。朝不謀夕。嚙指誓眾。五年正
 月。進攻蘄水。克之。又分軍克復英山。又殲劇賊田金爵。大府帥以君西征有
 效。疏令留駐英山。君出師至是。凡八閱月。僅支見銀三百兩。士卒及民團相
 從者。增至三千人。又益以李兆受新降之眾。無以為食。居無帳幕。雨無薪。村
 郭無居民。遠近無援。傷亡無以為卹。始什人賦麩一斤。繼而削減半之。既又
 半之。而賊來益盛。日提飢卒。轉戰不得休。五月十二日。軍敗。徒行泥淖中。鄉
 民或哀而進食。君雖強自振厲。然憊甚。瘦瘠發體。氣亦稍餒矣。李兆受者。故
 反側持兩端。感君忠勤。不忍遽背負。絕糧既久。怪君無以活之。意望甚。又
 同時降人馬超江。為匪徒所殺。怨官不能捕誅。以抵罪也。則大戚議為超江
 復仇。設位受弔。擒匪畢集。於是河南安徽兩省。皆以兆受復叛入告。而縣令
 亦懸賞購兆受頭千金。兆受益不自安。葡萄詣君。自陳無他。君撫慰稍稍緩

如此結局何以慰君

立論精當，憐惜之意溢於言表

定矣。會大府帥有密書抵君，教以圖翦叛賊，毋後人發。為兆受所得，遂陽為置酒高會，而伏兵戕君於英山之小南門，遺骸殘燬，同遇難者四十七人。咸豐五年十一月初三日也。君諱桂珍，字丹畦，雲南師宗人。道光甲午科舉人，戊戌進士，翰林院編修。丙午提督貴州學政，旋晉侍講。入直上書房，數抗疏陳軍事得失，推本君德。又采朱子真西山大學之說，傳以己意，引申條例，手繕成帙，隨疏奏進。君之意，嘗以為聖人者無不可為，功無不可就，獨患人不克，不能竭其心與力之所竟耳。及君出而蒞事，飢餓經年，而百戰不息，儻所謂自克者耶。竭吾心與力而不遺者耶。卒其獲禍如是之烈，而或不免身後之餘責，然則為善者何適而不懼哉。咸豐十年，國藩屯軍江北，詢君患難馳驅之所，乃立石英山，綴以銘詞，俾來者有考焉。銘曰：

飢寒偏身，難顧廉恥。聖主不能安其民，慈母不能撫其子。況於揭竿烏合之徒，亡命歸誠之始。倏順忽逆，朝人暮豕。封豕負塗，積疑張弧。鋸牙鉤爪，殪我閔儒。赤舌燒城，死有餘議。羣毀所歸，天地易位。悠悠之口，難可遽勝。我銘諸石，少待其定。上訊三光，下訊無竟。



一 上書房

清皇子讀書之處

二 行走

官名，舊時凡不設專官之處，及非專任者，謂之行走。

三 徽甯池

太廣兵備道清時轄理徽州甯國池州太④袁公名甲三字午橋平⑤

和公名春滿⑥福公名濟滿⑦霍山縣名舊屬安⑧捻匪清嘉慶時山東

城縣名舊屬②固始縣名舊屬③廬江縣名舊屬安③惘惘中心如有④

天柱即霍山在霍⑤斬水縣名舊屬湖⑥英山縣名舊屬安⑦瘰癧瘰也

瘰癧瘰也⑥葡萄亦作匍匐⑦朱子即朱熹著有大學⑧真西山名德秀字景

宋浦城人學以朱熹為宗世稱②封豕封大也左傳吳為封③負塗易

之孤見豕負塗載鬼一車先張③張孤防害之意句④赤舌燒城赤舌燒城

吐水於餅測曰赤舌⑤三光白虎通天有

曾滌笙劉君季霞墓志銘

君諱蕃字季霞吾友劉容孟容之弟也國藩治團練於長沙提水師自巴陵

至九江及入江西屯軍南康孟容皆展轉相從三年奔走夷險共之季霞常

以其太公之命省孟容於軍中出則美意相迎諷勉其兄歸則傳會吉語慰

安其父咸豐四年三月岳州官軍失利賊犯寧鄉季霞開關至長沙存問孟


容孟容方以疾先歸其六月孟容將率舟師渡洞庭而北季霞復送至省垣

即此兩語可知其友孝之深

明年八月。又自其家二千里。視孟容於南康。中途聞羅君澤南督師至義寧州而西。將掃蕩岳鄂之交。規復湖北。孟容亦分領湘右軍。從羅君俱西也。季霞與兄會於羊樓峒。時我師遠來。新有濠頭堡之敗。士氣初復。料簡糧仗。稍與休息。賊踞蒲圻縣。得以其暇。益築堅壘。完守備。十月十七日。我師進營白石鋪。以蒲圻南門地險而偏。不利仰攻。乃繞道出公安。晷抵城西。駐軍鐵山。湖北巡撫胡君林翼以師來會。二十一日辛亥。分四路進攻。賊扼險立柵。穿塹數重。槍礮環擊。不可近。聞出捍賊。揚旗跳盪。自辰至午。相持不決。軍勢稍卻。季霞從兄督戰。進曰。事急矣。賊將乘我。遂棄所乘馬。獨步而前。賊遽奔之。季霞發槍斃二賊。又鞭卒之稍退者。一賊伏下田發槍。中傷季霞仆地。孟容昇其弟歸營。而自麾眾禦之。短兵確鬪。驍將銳卒。傷亡數十人。賊亦大創。我軍乘間舉火。燔其木柵。烟燄漲天。五壘齊破。是夕。遂攻蒲圻縣。克之。孟容還營。視其弟創在臍旁。氣息僅屬。撫之大慟。季霞徐曰。兄勿爾。命也。語訖而絕。春秋二十有五。事聞。諭旨追贈知縣。照知縣例賜卹。季霞事兄。致嚴以順。而風韻各異。孟容於士類。揚清激濁。而季霞不置臧否。孟容稍立崖岸。別白是非。無所假借。而季霞脫去畦封。瞑無一語。款誠相接。其臭如蘭。以是人樂近。

洪揚之亂士大夫君子之橫死者何其多也。並論兄弟二人與李勇毅公神道碑銘中之以勇毅與忠武並敘筆法相同極易初學者學步

之。劉氏世居湘鄉之四十都。近歲兵事方殷。有司分都團練。李霞部勒鄉人獨嚴整。喪歸自蒲圻。族之少長。遠近之耆德。學徒與鄉者。團結之。丁壯會葬。送死哭者至數千人。如喪親戚。然後知其得眾。宿將不及也。咸豐八年某月日甲子。葬於樂善里之王湖嶺。配孔氏。故國子監學錄廣璠之女。生女一人。無子。以孟容子培。屋為嗣。銘曰。元二之厄。兵氣崢嶸。方州大府。鼠卻狐驚。提戈殺賊。年少書生。厥少惟何。星終兩紀。温玉刻茗。翱翔文史。事親從兄。辟呬而詔。仗劍出門。海飛龍嘯。蒲首之山。故壘嵯峨。一儒奮臂。永奠山河。位豈在大。齡豈在多。我銘斯石。萬代不磨。



一南康舊府名。今江西星子縣。即其舊治。二太公父也。漢書高祖朝太公。三傳會與附會同。

(漢書)雖不好四義寧州即今江西修水縣。五羊樓峒在湖北蒲圻縣西南。六鐵山在湖北大冶縣北。

七崖岸性不和易曰崖岸。唐書鄭羣天性。和樂與。不為崖岸。嶄絕之行。八畦封猶言界限也。九

鄴曩也。十元二(後漢書)時遭元元二之災。元元也。二温玉刻茗(燉煌紀年)刻其石於茗華之玉。茗華玉。

名。二辟呬傾頭與語也。禮曲負劍辟呬詔之。三蒲首山在湖北蒲圻縣西三十里。四嵯峨山高貌。

曾滌笙新寧劉君墓碑銘 ○○○

是商界祭出之才與今之揚斯盛業澄衷後先媲美

是能善推其愛者矣孝義如是足式後世

陶體文云毋乃山川之氣所鍾毓而又得天獨厚者歟


君諱時華。字廷材。號寶泉。先世自江西徙湖南之新寧。曾祖有義。祖儒禹。府學增生。父世貴。太學生。家貧。為商賈。化居以自給。君生有至性。不忍其父久勞市廛。乃跪請曰。大人宜少休。兄學且有成。弟弱。兒願代父勞。而服賈矣。遂遊資於江漢之間。量物度時。廣取而節用。後人而往。先人而歸。家用阜康。親以大悅。父病。在視終宵。醫者言痰鹹可生。淡則死。君輒以手承痰。嘗之。味淡。因大哭。父歿。母亦前卒。則推其所以事父者。以事繼母。歸自武昌。繼母不憚。長跪自陳。遲歸之咎。繼母病。服勞達旦。營治藥物。必自其手。不自他人。繼母歿。則推其所以事親者。以事長兄。而蓄季弟。兄病。調護年餘。兄卒。弟後卒。則又推恩以恤其孀。以鞠其孤子。厥後兩家孤兒。皆成立。兩孀皆旌表於朝。壽皆七十八十。涕泣頌君之德。不敢忘云。新寧山邑也。僻在楚南。黔粵之交。巨嶺層巒。穹窿雜襲。鬱撓而不得少舒。自古未聞偉人傑士出於其間。亦乏甲乙科第。居民治生。蠲嗇。有唐魏之風。獨君與江太公一峰。輕財好義。不屑屑於自殖。江君之子諡忠烈者。任至安徽巡撫。而君之子蔭渠。今為直隸總督。並有勲伐。為時名臣。蓋褊陋之俗一變。而山川之氣昌矣。當君初賈異縣。頗求饒益。以娛親心。既而經紀有方。智足以擴其業。利足以仁其三族。所得貲

李知方云一商賈耳而能親親仁民仁民愛物不事蓄積樂於為善視夫世之達官大吏享萬鍾之祿而族之人不得其門者則君之為人彌為善得福天道不爽

財。隨手散去。壹以濟物為功。息耗都不訾省。鄉里除道成梁。捐金錢。惟恐不贍。施藥療疾。惟恐不周。嘗遇益陽大水。買小舟拯百人。蒙葬數百人。新寧大饑。餽鄰里。親舊粟日半升。全活無算。又嘗修育嬰堂。建忠義節孝祠。皆縣中前此所無。自君初之。城東北有義塚。歲歲嘗以冬春培其地。瑩而植其仆碑。城南有義塾。器物缺乏。常於君家取給焉。人或謂君。歲入幾何。施諸人者什七。而自謀不及什三。後將難繼。何不頗買田宅。為子孫稍立基業。君笑謂家有薄田。足供疏食。焉用多為。吾以人情為田。以培養士類為種。耕不計年。穫不計世。庸詎知留貽子孫者。不更大乎。逮君歿。而門內鼎興。君子四人。長名長佑。即陰渠也。以拔貢生。歷官廣西巡撫。兩廣總督。直隸總督。加兵部尚書銜。次長佐某官。次長伸長。健某官。孫某某。曾孫永祚。永祺。天子褒長佑功。贈君暨君之祖父。皆為光祿大夫。君配鄭氏。暨祖妣某氏。妣李氏。曾氏。皆為一品夫人。蓋君言於是果驗。為善之報。抑何捷也。鄭太夫人恭儉寬仁。悉秉夫教。如婦。娣。婦。寡居。故之。終身有恩紀。君卒。以道光三十年六月十四日。壽六十有一。太夫人先三日卒。壽五十有九。是歲十二月某甲子。合葬新寧西鄉楊溪村之鸞嶺。昔道光丁未戊申間。江忠烈公常為余稱道陰渠之賢。兼述其

世德及蔭渠入京聞親之訃求余文銘其墓展轉兵間久疏文字越今十有七年始得表而銘之銘曰

舉世奔利獨行抱義庸德庸言感格天地外救飢溺內撫諸孤仁心難慊百憂一愉孰云不顯在幽彌馨孰云無報如影隨形神覲在室竒福在廷郎君崛起為國干城削平寇亂鼎祭鐘銘自天錫寵褒榮先隴夫夷之南萬山環拱我表其阡來者欽竦



一 至性 孝悌之性也

二 穹隆 亦作穹隆長曲貌

三 三族 父族母族妻族謂之三族

四 益陽 縣名

舊屬湖南長沙府

五 藁葬 藁草也謂草葬不備物也

六 弛塋 音塋墳墓毀之也

七 媼婦 雅婦謂長婦為媼婦見爾雅

八 娣婦 長婦謂雅婦為娣婦見爾雅

九 夫夷 水名源出廣西全縣西南東北流入湖南境經新寧縣至邵陽縣南入資水

國立臺灣大學圖書館



2 2 7 6 5 1 9